

晚晴籟詩匯

第三二册

晚晴移詩匯卷八十一目錄

錢載

三十七首

趙佑

三首

謝墉

二首

盧文弨

二首

梁同書

四首

鞠愷

一首

張模

一首

博明

二首

顧光旭

十五首

平聖臺

一首

周天度

八首

胡德琳

四首

宦儒章

一首

蕭榕年

一首

萬廷蘭

二首

王曰賡

二首

沈作霖

一首

李蘊芳

六首

董元度

四首

黃達

三首

王宸佑

一首

于豹文

三首

阮葵生 七首

馮廷丞 一首

萬友正 一首

周大樞 六首

周震榮 二首

莊肇奎 四首

晚晴移詩匯卷八十一

徐世昌

錢載字坤一號堉石又號瓠尊秀水人乾隆壬申進士

改庶吉士授編修官至禮部侍郎有堉石齋集

朱梓廬日侍郎自少不耐為舉業文為之輒崛奇不

合時不顧益肆力於古漁獵百家尤以詩為命獨窺

古人不與絕鑿不已凌紙怪發險入復入橫出復出於

古不名一家更歷萬里游壯觀嶽瀆吸靈奇之氣而

張之故老益肆益硬郭頻伽日堉石齋詩洎音古

意自成一家視曝益硬亭較深視樊榭山房較大集中

古今體各有極至之處亦皆有頽放自適者終不得

不推為大家于辛伯曰堉石宗伯詩沈厚博善東

假雕飾不知者每以率易目之黃霽青詩師言嘉善東

門外有劉子端者耐刷老手也堉石齋詩是其寫刻

親見手稟改易甚多旁行斜注幾有不可辨者劉嘗

為退庵封翁述之如此壽師有詩云率意精心論不

同憑何辛苦證詩翁晚年手

棄多塗乙須問當年老刻工

詩話堉石論詩取徑西江去其粗豪而出之以奧折

用意必深微用筆必拗折用字必古鑿力追險澀絕

去筆墨畦逕金檜門總憲名輩較先論詩與相合而
萬循初孝廉光泰王穀原刑部又曾祝豫堂典籍維
詰汪康古吏部孟銷豐玉孝廉仲鈔相與酬唱皆力
求深造不墮恆軌一時遂有秀水派之日繼其後者
葦石子百泉編修世錫豫堂子明甫孝廉壽穀原子
秋勝大令復各能尊其家學葦石集中君親師友倦
倦不渝其於萬王祝汪諸君死生離合必見
於詩蓋溫柔敦厚發爲心聲固自有其本也

入七里瀧

雪灘霧初豁風利已臨瀧連山夾岸去中有碧玉江山根
互開闔江勢隨之撞纖纖被岸草安知非離莊人行出鳥
道我飯依魚疋弱煙炊不起響絕前村厖

嶺松蒼且深灘石淨以黑喔喔一雞高人家負崖仄地力
盡豈餘活身隨釣弋終宵聽江聲終歲見江色門前笞笞
收舍後罽羅卽晴雨出何之東西翠成塞客如掬水嘗勞
生此應息

航行逐峯轉屢轉爲逆風峯峯當面起隱疑水窮來帆
掠峯出風力雲氣中我船送柔艣緩與江流東浪花風闌
激綠散何迷濛上瞻峯影仄澹落陽光紅

行楚野見草花都不能名感賦

湘山日平遠碧澗時洄洑有草生其閒登降悅我目初陽
藹然照宿莽爲之馥豈非巖壑姿謂亦忌揚暴奈何值道
周顏色恐喧黷物生性苟貞相溷庶無慝

紅者亦有萼翠者亦有英彼芳誠自好媿不能以名夫草
焉用名楚產則楚榮始憐楚人詞喻草其鄉情目遇卽抽
思手拳卽發聲何必曲相假外飾衰中誠

宿湘山寺

黃華趨欲止翠巒卓且崇隔江峭壁面定窟釋子宮天晴

鳥喚侶屋敞林環叢仰焉石骨秀百億秋芙蓉淨土憶開
院歲晚迴其蹤妙明知徒塏色相火一紅我客誰則主歌
歟牧牛翁西堂月初白杵杵三更鐘上與山響答下與江
聲通

馬文毅公彙草辨疑歌

聖廟忠節襄平公公所譔書惜未見公自作歌蒙難中維

時十有二年癸丑冬三桂叛延齡從廣西巡撫鐵男子鐵

子不怕死延齡謂公也御衣賜著何從容遺之大帽髮衝怒瀝血縋

城達三疏自經不得又復引佩刀鎮粵公能邀一顧囚首

排闥擊笏樓疾風授命烏金鋪闔門百口視如歸白日青

燐莽迴互時與公同處而被殺者公以下十二人與公別居而自殺者夫人以下七人後此死公難者主

僕男婦十九人先此凍饑死囚所者十三人又院丞唐正發負公子歸京師其家被殺者三人先後殉節五十四人

其姓名失記而死者不在焉

拘囚方四年幽憤草聖傳鉤摹十二帙草

字雜體無斯全

唐裴行儉撰選譜草字雜體數萬言

斯非皇象急就篇又豈

浮屠永素能專前正書況釋顧姬筆姬亦從公奮死歸於天嗚呼瘞骨處廣福寺黑塔村碑御製撫蠻滅寇將軍

又死傳弘烈巡遠雙忠祠八柱

憲皇卹先臣廟入昭忠仍

諭祭本朝元氣極盛諸公生

淋漓頸血爲君父亦旣青史名其名君不見以炭畫壁范

忠貞

天柱峯出雲歌

昨朝望峯峯筆尖一峯青出羣峯纖

郭祥正天柱閣詩羣峯奔來一峯起今

朝峽嶂道其左桃花色雲驚所瞻筆尖不沒千丈頂肩腰覆抱濃如黏其下金山骨純紫獻疑謂照晨光暹餘峯自

碧身自露餘雲自白心自驚茲獨吉貝彈鬆鬆輕茜染之
久噴吐明而相透層層興輒不欲飛片片駐五里十里縵
縵華赤霄絳霄亭亭嫋藏精降神灑固然徐鍇灑山序於此藏精降神

漢武南嶽根株連含陽而起可無爲司命君住司元天唐元

宗夢九天司命眞君爲霖豈私皖伯國歡喜自指書生鞭

現於天柱山置祠宇法華經雲有七德合水電光花色蒸空又何溼續紛錦曳

雷聲歡喜掩蔽普覆清涼

溟濛煙我隨雲行雲已後躑躅馬蹏迴馬首三祖塔邊月

茫茫七星池上風颼颼勢參吳楚雲將孤孫僅灑山詩勢參吳楚分壑

判陰晴雲族偶雲中不入轉山前豁達秋原幾培塿

觀大唐中興頌刻石

天南唐後無如此元公之文魯公書體踰騷人擅約潔畫
若鐵柱撐空虛俯臨大淵削崖壁三百尺餘秋翠滴披草

讀之曉蟲寂天開靈境初何心客蓄奇懷遠相覲面石久
益欽兩公與唐家國誠哉忠江深山荒風露溼不語之語
精猶充盛極開元有天寶一侈應歡功再造乘輿歸來自
傳老收京設使監國爲何至遷宮泣難道春秋始終必正
之後世功罪虞曲辭職非南董借薛石王新建遂廬山碑

坐祝融峯頂石觀雲海歌

清晨齋心登岳顛西麓轉東螺逕旋最高已立南天門培
壤下見衡州前湘江南來一綫白五折北去明蜿蜒旁窺
靈藥峯之腋雲歸如水風飄然仰企軫宿峯之凹氛氳懶
吐如炊煙迴身瞥駭氣四合一物無見消諸緣斂襟更向
碧落進上封寺瞰濃相連日光迴照明且淨三百里鋪白
玉田輕風忽吹意宕漾數峯尖露如搖蓮卻指東隅正紫

鬱岩岩未辨何峯延身今據石岳盡此

朱子祝融峯句千雲出於此盡

尺俯海敲右肩有風不動平泱漭無風而動深洄漩少焉

左顧復饋餽如絲亂捲斜披縣丹林半失上封背峯東滃

滃峯西翩盤陀與我在雲上大虛之天惟倚天老松巋立

白榆竝奚取薜跡名紛鑄

巨石一岳之頂也松一根盤巨石中高不過幾尺然數百年物

羅念菴祝融絕頂句樹傍白榆看石上多刻字有趙崇度登陳崇古登二題名

小華陽歌

明代華亭高檢討磬山之石爲筆山第八洞天靚髣髴羣

仙門闢羣峯閒大茅最高屹南立中茅小茅西北環上館

洞西大茅對中館下館尋松關東西楚王澗相隔合流洞

水疑琤潺積金峯小竇磊砢龍池蜥蜴飛應還上洞下洞

極艸蛀七八洞透兼升攀豈惟泉東崖若劈深入幾步窮

源艱橫互三寸高及半陽陰僅寸羅屏顏最高之陰白玉
片晃朗鑿鑿心爲閒數傳未落廣濟庫吳鎮非我圖猶慳
試摩長史左紐檜采藥便踏秋苔斑

二硯歌

文信國玉帶生硯在內城攜謝文節
橋亭卜卦硯訪之並陳於凡而作歌

昨見文節橋亭硯卻思玉帶生未見悠悠人海人豈知豈
知信國硯在斯二公英靈互天壤相友相於日來往二硯
相望五百年嘉會之禮無因緣得邀謝硯訪文硯是有鬼

神非偶然文山硯在疊山右端州洵堅歛不後

信國硯銘
云甌爾之

堅今橋亭卜卦硯程
文海銘云不食而堅

此凡此凡逢今辰此堂此堂記春晝

炷香敬爲雙忠悲再拜恭惟兩丈壽丹心詩未題零丁伯

顏兵未趨舉亭公方性豪厚奉己硯亦務寡稀勞形

信國
硯銘

雖未紀歲月要是
在平居勤王之前

轉茶坂頭初旅食建陽市上罕交識公

現集卷之二
三
祇麻衣哭向東硯應顰面愁占北何榮何悴貞節同見二
硯不見二公墨而搨銘卽鐘鼎匣而分手仍萍蓬堂閒几
淨意纒綵一片清氣留虛空

戴儀部文鏡齋飲沈存周錫斗作歌

蠟花搖搖客半醉重爲主人拈舊器吾州薄技近已無可
憐流轉還供士女娛張銅鑪黃錫壺尊王周銀盃朱後
來沈老亦煎錫粉合茶匳常接覲只如此斗方口酌酒多
環鑄杜甫飲中八仙歌我今一斗三斗五斗過欲放未放
愁摩挲款記康熙歲戊戌是歲僕齡纔十一鬢絲迴憶春
波橋沈老門前綠楊密

顏氏所藏魯公名印歌

唐印朱文觀者信銅花斑斑紅沫潤兩字左右方寸強顏

家世守此名印二十四郡忠臣無公名纔得天子呼臬卿
其兄眞卿弟貶公出公名不誣其時天下人望同不以名
稱稱魯公豈知此印到今好手舉公名精爽充我欲昌黎
名印得可雙顏印分芒色公行死矣韓生歸君命之銜皆
報國

琉璃廠肆見小方玉印一刻鞏固私印四字橋紐葫
蘆樣玉印一刻帝甥二字虎紐明鞏都尉物也輒
爲詠之

烏駁馬入承天門煤山山亭忍復云鞏府焚先劉府焚乃
獨未燬玉篆文帝姬去年悲已薨家無藏甲猶守城圍旁
黃繩子女繫毋汙賊手此帝甥兩字豈知早刻印甥兮甥
兮國俱殉藩封恨不二王曾巷戰嗟難二卿僅鞏固實惟

鞏永固省文繆篆美無度人之不亡帝左右玉之不變神
呵護一雙中有暗淚流華池豐屋春暫留主印樂安應並
匣幾時南去在揚州

樂安公主小玉印在揚州錢唐厲鶚嘗作歌

集散木菴嚴侍讀已買得鞏忠烈公兩玉印出觀復

爲歌之

秦游橐金歸豈多急此恐誤他人磨昨爲言之今已得激
昂使我成悲歌我歌直爲鞏永固我悲不獨鞏永固茫茫
天地忠義人舊物流傳孰如故大江月照揚州城中有樂
安玉印明明年君歸攜此行兩印百年猶在京問何去去
江南程玉雖有字曾無聲願君與購貴主印後先漂轉重
合并香檀作匣蓋刻銘志趣差同號與名夫婦于人本不
輕況其家國關死生

雪懷陳明經經業

鄉人數南至經歲問音書對雪寒無藉思君嬾不如秋堂
新稻入午枕濁醪餘生事雙扉闔從傳與世疎

篋書長與借手勘若相論城擁湖風響臺明苑雪痕饑鷹
高不落僵木溼猶翻爲報今朝事微吟向寓園

故園當已雪君定幾篇詩折竹聲中得煎茶味外思吾人
年歲遣各自寂寥隨獨有麻衣淚都來兩鬢絲

紫柏山下留侯祠

祠屋近柴關高峯四面環猶傳赤松子相望定軍山事業
興衰際英雄氣數間洞門七十二惟有洩雲還

吳越武肅王祠

石鏡山荒歲屢更家王遺像肅朱蕞蕭森錦樹秋風色帖

妥濤江白日聲歐史世家難盡信龍門年表有公評順天
不獨能存祀順天者存王猶仗臨安作宋京

三月五日先孺人生日痛成

籠翮思飛孰與哀哺雛未反母先摧茫茫縱使重霄徹杳

杳難將萬古迴廚下米薪如手辨蒲莧切堂前風雨莫花開

讀書兩字從頭誤直悔男兒墮地來

懷陳丈向中西安

來自蕪城實後余西江衝暑旋分袂重騎代馬堅冰滑已

出潼關落木初世路逡巡涇渭水古懷歷錄漢唐書塞鴻

信斷秋還老儻返鄉園有定居

宜亭新柳完顏松喬少宰含青樓後臨積水潭縛茅

汪孝廉豐玉里門耗是日走問孝廉兄康古於南城又為言陳明經乳巢歿惊州矣孝廉年三十而

明經六年不歸悲懷莫勝不能赴招明日聞席上分韻詠宜亭新柳載當補作勉成三章其一呈少宰其二三自抒襟臆也次夕不寐又成二章復緒一章併以送覽縣情無託猶賴觀世之久者感予

焉音

宜春亭子面湖西城上山光掃黛齊飛翠恰霑東角柳籠陰渾帶北門隄淡煙染雜濃濃露雙燕穿陪箇箇鷗聞道蠻腰催短拍當筵乞向樂天題

如夢難尋巷與坊舊游半繫故人腸驅車欲去驚寒食走馬歸來已夕陽鏡照未嘗眉皺斂哭孝泥沾曾不絮顛狂

哭明淨餅只合飯無盡灑作春空露水香

高拂樓臺下蘸池不論長短總成伊如何密密疎疎影絆惹千千萬萬絲桃李蹊邊愁獨立哭孝風流賞處倚天知

哭明但令相送還相見敢向人閒恨別離

寶花倉口起東風雞唱星懸賦惱公

雍正丙午春明經有和雙溪女子新柳之

竹笛裏關山今是淚梢頭明月本來空一聲玉折涼州怨

萬里雲陰杜宇紅歸去傷心原有路依然水驛綠煙中

二月月圓圓不能

孝廉歿以二月十五日

千行雨溼溼難勝終然衣

袂飄何處定有闌干擁上層苑結微茫真可惜朦朧隔斷

太無憑比量搖落桓司馬如此春華百感增

亭名棖觸梅今朝

明經尊甫先生康熙進士號宜亭

目極傷春不自聊豈

意公家園裏樹翻爲賤子卷中騷箋題慘綠關辛苦門掩

昏黃慰寂寥半挂簾鉤斜壓影一九月上正吹簫

長沙

天翠秋暉清復清江山迴合處開城霸圖實始周熊繹騷
怨空傳漢賈生岳麓寺頭書擬讀湘潭驛口路催行已聞

早稻匙翻雪只少銀鱗鱠作羹

清流關

廣甯門外二千程齊魯河淮坦迤行突據岡巒高壘險全
收吳楚大江橫南唐入宋沿州堞西日迴風度使旌老我
重題秣陵柳不知猶似昔年情

趙文敏公寄右之兄札墨蹟

首云奉別已復三年中云不肖一出之後每南

望矯首不覺涕淚之橫集今秋累輩既歸了然一身僅有一小廝自隨末云十二月二十九日

羅綺難勝儼惠臨疎行矮本尙傳今繇來玉馬朝周客未
絕銅盤別漢心燕市夢孤將盡夜弁山春杳送迴音江南
合遣人才訪不獨王孫有故林

渡潯陽江

抖擻衣襟馬上塵潯陽相見若爲賓江明樓堞無兵革山

落村墟少逸淪曉日涼風青雀舫郡曹小吏綠陽津沙鷗
欲下翩還起驚怪霜鬚似故人

蒲州

縹緲薰風何處臺汾陰后土亦荒哉維南太華三峯倚自
北黃河九曲來鶴雀樓高春幾劫王官谷靜瀑如雷蒲州
合爲潼關守犄角方成用險才

寇忠愍公祠

功業汾陽只等閒嗟公憂國鬢雙斑君恩鬱鬱通天帶里
社青青少華山魏野有詩傳北使竹林遺廟向人間靖康
若主澶淵策何至蒙塵遂不還

檢先孺人遺篋得載己亥康熙五十八年雪夜詩

識字識忠孝療貧難復難兒時餘橐葉淚落忍重看

宿黃壩

三更好夢難萬里新愁獨杜甫祠前江薛濤井上竹

趙佑字鹿泉仁和人乾隆壬申進士官至左都御史有

清獻堂詩集

詩話鹿泉屢掌文衡文望與賈東臯埒以善制舉業名嘉慶丙辰與千叟宴自序言性不耐聲律自甲戌館蘇州黃氏園往來江介間事吟諷嗣後時作時輟然不自收拾存橐常題詩平實少風韻然章安句安亦學人之詩也

登石鼓山

廿四奇中第幾峯尋聲遠上翠芙蓉誰能文字摹周籀自有噌吰配石鐘晴日作雷聞隱隱斷崖過雨響淙淙莫辭踏徧莓苔滑殘碣摩挲到下春

夜雨偶成

蚩尤聲驕撼山動壓戶黑雲肩頰洞布被忽生夜半寒一
雷驚破塵埃夢如繩檐溜衝階鳴列缺過窗時一明萬條
銀竹喧未已明日起看山澗平

雨中下風門書所見

山居苦雨常怨咨冒雨行山山轉奇始歎造物有真境未
從閱歷那得知朝辭霧窟下風門高低冥迷白晝吞曲崖
通綫近乍怖飛澗爭臺遠已喧峴岬不斷峴巘積千百奔
洪相瀾濤耳駭目眩應接忙盡若排簾或裂帛透迤漸及
雲路亭一泉瀆涌尤瓏玲牙排二拒束不得捲作白點落
空冥有若灌頂散醍醐又如千斛撒明珠老龍噴雪張鱗
甲玉女翻盆碎唾壺層層倒瀉幾尋丈非瀑非檻無名狀
不知其源在何許磴危薜滑不可上憶昨來時未經見幻

忽端因雨中見此行頗覺快新獲崎嶇歷盡有餘善

謝墉字崑城號金圃又號東墅嘉善人乾隆壬申進士
改庶吉士授編修累官吏部侍郎降編修有安雅堂

詩鈔

詩話東墅迭掌文衡所識拔多知名士嘗謂論學當
北面汪容甫至今士林誦之直上書房二十餘年以
曠課左遷尋復入直仁宗嘗從授經東墅卒後
詔阮芸臺中丞處分其家事稱東墅而不名云

和覃溪池河驛

山縣水不經乃稱池河驛池河兩邑界通川湮前迹日中
市喧厖負擔度阡陌蚩蚩聚闐闐稍稍見居積貿遷猶古
風菽粟及麻麥交易無狙獮司市平其直居然唐魏風我
行所未歷飯罷陟岡嶺雲氣霽後赤搜奇任鹵莽汲古成
淫腋明發珠龍橋竟泝清流碧索塗慚冥行賴子得繩尺

歐蘇不再生與子數晨夕

鱸魚

豈爲秋風鄉思增
葍蕪飯要同登
神仙便是逢
元放羈宦能無感
季鷹曉市波浮
催膳鼎
秋江霜下賤
漁督莫誇玉
鱸金齏法攜酒蘇公樂不勝

盧文弨字召弓號檠齋仁和人乾隆壬申一甲三名進

士授編修歷官侍讀學士降六品京堂有磯漁詩藁

詩話檠齋初以馬姓舉京兆乃請復本宗出督湖南學政疏陳職掌不稱旨鑄秩乞歸遂不復出精校勘之學刻書十餘種皆極精審又錄其校語爲羣書拾補晚校儀禮注疏付刻未訖工而卒

送莫又張試之潤州

新年初見黯離顏
楊柳纔青未可攀
有客萍蓬還獨汎
何人風雪最相關
寒衝鳧雁春前水
夢到金焦望裏山
我亦

扁舟向東去檣烏背發幾時還

贈盧苔園

修其

寂寂揚雄宅惟君數往還交憐同臭味貧有好容顏疑義常從析新詩更許刪問來誰慰藉真意最相關

梁同書字元穎號山舟錢塘人乾隆丁卯舉人王申賜

進士改庶吉士授編修歷官侍講重宴鹿鳴加侍講

學士銜有頰羅庵集

詩話山舟書名滿天下亦工詩喜集杜句與儕偶酬唱風華雋贍神韻彌遠嘗疾危篤見人持楹帖入其句云萬里煙雲開嶂戶一天風雨護神爐病遂愈詩之通靈如此袁隨園謂其性不近婦人亦不赴人之宴故奇詩云一飯精嚴嘗選客半生孤冷不宜花行年九十不廢吟哦居鄉儉於自奉一冠數十年不干謁當道不爲人慶壽雜賓不廁坐

除夕

繼羽不入門爲士大夫所矜式

珍重長筵樺燭遲閒情收拾付紅絲懶教夜半求如願笑
看燈前拜阿宜一輩晨昏菜子夢兩年兄弟杜陵詩無多
殘臘堂堂去又耐寒風著意吹

人日同耦堂冲泉弟分韻得二蕭

良辰何處撰逍遙病後情懷特地饒已覺輕寒催短臘不
愁微雨暗連朝草堂賭飲聊三葉梅信探春定幾椒取次
閒街騎馬出試燈風裏聽錫簫

題程意圃元聽雪圖

漠漠山四圍三徑斷行跡中有擁褐者默坐數龜息寒風
刮地來灑窗聲淅淅林際老竹摧檐端飢雀啣萬籟不起
時間根逗微寂此境靜者知吟懷冰雪滌

題孫頤谷侍御柳陰勘書圖遺照

烏府先生返澗阿多冠脫卻頭常科柳陰一適在思誤風
牀卷軸如星羅異哉短視江休復著紙巖電光飛梭經疾
史恙辨豪髮筆鍼墨灸窮缺譎政如養由射擬的蟻蝨大
逾車軸軻蘭陵將軍遭按劍地下有口不敢訶六書點畫
校尤細單行夾註蠶頭多人間善本不易觀插架手自編
排過曩者我友玉川子永日兀兀丹鉛磨與君往復或辨
難一句一義紛縷餽抱經仙去久宿草君亦身世催羲娥
獨我不學愧視肉炳燭無幾頭空皤不堪重過勘書處老
柳颯拉吹庭柯披圖坐對三歎息樹猶如此人奈何

鞠愷字廷和號梧圃山東海陽人乾隆壬申進士改庶

吉士授編修

酬紀心齋游平氏園林見懷之作

良朋勝地足句留何事臨風動遠愁池漲半篙初過雨井
飄一葉早驚秋青山碧樹多離索白露蒼葭舊溯游千里
鄉關暮雲隔勸君休上仲宣樓

張模字元禮號晴溪宛平人乾隆壬申進士改庶吉士
歷官吏部郎中有貫經堂詩鈔

臨湘道中

凌晨登古驛環抱萬山中竹影碎殘月松花落曉風奇峯
平地拔碧澗小橋通今日臨湘道雲鬢迥不同

博明字希哲號晰齋滿洲旗人乾隆壬申進士改庶吉
士授編修歷官雲南池西道降兵部員外郎有晰齋

詩

詩話晰齋博學多識於經史詩文書畫圖書蒙古唐
古或文字無不貫串爛者鳳城瑣錄西齋偶得多

述遺聞逸事自
爲序刻行之

和孫笠山秀才憶燕詩

采蓮腸斷木蘭舟寂寞烏衣細語留水驛殘陽何處夢舊
巢新壘總成愁梁空故國三千里簾捲西風十二樓此日
蕭齋重惆悵浴蠶天氣話重游

山谷祠

宜州諱讖竟非訛墓道荒城宿草多一代黨人悲孟博中
天詩派竝東坡空堂歲晚陳雞黍古屋秋深挂薜蘿二十
四家誰續訂南諏宗嗣近如何

顧光旭字華陽號晴沙無錫人乾隆壬申進士由戶部
主事歷官甘肅甘涼道署四川按察使有響泉集

阮芸臺曰晴沙卸川臬赴雅州回省攜酒郊迎者數
萬人遲於武侯祠下三日乞假東歸云可憐何事繫

人思白叟黃童去後悲寒雨郊

峒二十里西風涕淚一千巵

詩話晴沙由諫垣出守甯夏後從軍入川所至有惠

政詩音節與象直逼唐人以隴蜀諸作爲最勝歸田

後輯梁谿詩鈔五十八卷自漢晉至清中葉凡一千

一百餘人選舉取諸彙理之號曰詩彖作詩紀事並

徵和稱佳話云

夜發井陘

北斗錯落南斗橫出門騎馬雞初鳴殘月倒銜太行尾朔
風忽作胡笳聲我行西出井陘口氣酣拔劍凌幽并東方
半明猶未明仰見廢壘高崢嶸英雄成敗詎足論韓信去
後休談兵上倚巉巖下深澤背水之戰非上策左車奇計
果見用十萬雄師竟誰惜古今形勢未必同俯仰滄桑已
陳跡攢青疊翠一千尺山鳥山花送行客黃雲黯黯寒壓
關澗道陰陰水激石水濺濺石齒齒頗牧何人思將士挂

力夜起行朔方功成謁帝明光裏

中衛道中口占

嶂疊峯攢未可攀清時猶戍勝金關唐宗宋代干戈裏此
地何人飽看山

叱叱柴車黃犢輕陰陰白屋爨煙生誰知今日雲中守卻
聽江南打麥聲

送伍尉

邊城二月河冰開千里萬里春風來春風吹面雪如掌忽
聞凍雨灑窗響念君當上古輪臺令我臨風發遐想昔人
征戰今人耕劍河飲馬雪海行輪臺城頭漢月白走馬川
邊一川石石應爛盡月常明來照霜前夜行客賀蘭山樹
青未青送行多向十里亭男兒投筆封萬戶莫言此去常

辛苦美人帳下畫彈箏大將營中夜搥鼓只道儒冠能誤人卻將毛穎自隨身呼兒牽過大宛馬騎出陽關不見塵

五原

霜落五原樹邊城朔吹哀亂泉隨地出孤鳥向人來漢節蕭關道唐宗靈武臺山川自莽蒼立馬一徘徊

次韻王觀察望雪山

祁連山上千年雪兵氣銷時玉色新落日單于收戰馬西風漢使議和親試吹羌笛頭應白欲寄寒衣信未眞爭羨邊庭班定遠歸來萬里送車麟

嘉州舟行至渝

纖月上青衣迢迢春水肥如何萬里道不借一帆歸夜靜魚龍卧沙平雁鷺飛半江星斗外疑是舊漁磯

書生

書生豈必便鞍馬上將何妨解佩刀漢高犒師憂灞上屈
瑕舉趾狃蒲騷千金裘敝吾將老兩石弓開客自豪擒縱
應須籌策定莫煩西顧聖心勞

夕次郟縣和晝莊

萬馬今歸凱前宵雨洗兵花開石犀浦月上杜鵑城飛蓋
村笳動疎林騎火明艱難經五載郟酒爲君傾

宿伏虎寺

山僧伏虎後無虎亦無僧古雪看人跡明星是佛燈烏呼
千澗月猿嘯萬年藤一榻栽峯下心知最上乘

長老坪

我行繞山腰不復覩山足我行陟山脊又不見山腹故知

形類彙言 卷之十一
天下奇了不形起伏古臺倚軒轅陰洞闕鬼谷長老爾何
人青眉坐垂目冥以化諸有破凍滿寒綠齟齬鳴細泉森
森抽短竹行客斷糗糧煮雪佐茶粥上睇迷濛中層嶺蔽
陽復只恐芒鞋穿將投長老宿

華嚴中頂

五步一留連十步一錯愕及來造茲頂聊憩華嚴閣下俛
羣嶺趨嶺翠紛上薄闌干凌萬仞石海波浪作波遠天四
空騁望極寥廓水畫嘉陽田雲抹成都郭晴霞互如練千
里氣參錯顧茲本非頂虛中無倚著乃知大我心萬象此
開拓

忠州禹廟

塗山萬古鬱岩堯禹廟臨江更繫橈殿上鼓鐘三峽動夜

來風雨百靈朝天開黑水澄秋霽雲起黃龍捲暮朝自錫
元圭崇徽冕空巖竹柏和簫韶

高唐觀

朝雲暮雨自高唐宋玉微辭諷楚襄豈謂騷人眞弟子祇
將詞賦媚君王千秋文藻歸殘夢八月天河落曉霜惆悵
荒臺尋不得郢門煙樹鬱蒼蒼

觀嚴中允

繩孫

昇平嘉宴詩記恭賦

聖祖天縱神武姿興文偃武開康熙六合清照中天曦要
荒侯甸綏蠻夷秦蜀閩粵煩鞭箠滇南萬里飛紅旗二十
年冬奏班師明年上元放夜期帝曰臣民共樂之乃命張
宴慶允釐內廷臣英臣士奇傳旨預宴諸臣知泰交有道
式燕斯君臣相悅古所宜乾清宮啟雙蟠螭諸臣就列月

上時此時上下萬炬施陛立雙柱輝龍影歷陛升階自玉
墀文石欄楯光陸離鼇山海市懸玻璃山川人物相透迤
雲英錯采羅神芝諸臣上壽稱介禧虞廷樂作趨后夔虎
拜稽首鳳來儀天漿下賜金屈卮酒行以次光風吹陽春
一曲聲正遲笑言無禁荷聖慈內奏雲門協咸池須臾機
轉鼇山馳風檣陣馬旋相隨盤盤綵樹何紛披更起獻酬
啜醇醪工歌既醉再拜辭未須問夜如何其月滿太液流
輕颺鳩序鴿立蓮漏移雪殘鳩鵲皆融怡俄傳天語出殿
帷紀此嘉宴須鴻詞漢家故事柏梁詩詰朝珥筆看撚髭
賡颺無事刻燭爲此詩首出聖藻垂諸臣分行筆下摛臣
荃楷書付劄削御製序文詔來茲繩孫拜賜奉恩私傳家
重寶雜籙籙自記簡末字若絲文學侍從臣職司聖敬日

躋日孜孜誠正而後修齊治海寓樂業無瘡痍蚩尤不足
勞軒羲吾觀此記重有思揚本所賜恨未窺鼎湖弓劍難
攀追古先哲王奚所持惟與毗庶同安危君者中心臣四
肢股肱以情萬事墮崇階厚祿深倚毗笙簧酒醴非娛嬉
漢武侈大窮邊陲文武欲盡民凋疲未調玉燭炫五枝青
史垂戒後世嗤帝心借鑑神肅祇和氣翔洽福所綏古云
樹德莫如滋訓典所載不吾欺巍巍蕩蕩昇平基上追雅
頌夫何疑

平聖臺字瑤海號確齋浙江山陰人乾隆甲戌進士改

庶吉士歷官廣州同知

枯槎

梁瑤峯前輩萬齋有枯柳一株梅村先生舊居
時物也乾隆甲戌之秋瑤峯前輩自作枯槎賦

屬商賈意先生諸桐嶼
吳鑑南暨子各紀以詩

蝶繭蜂窠駁蘇紋幾年珍重避樵斤
婆娑寒夢三分月將護春陰一段雲
喜得菌芝稱瑞物曾從牛女證遺聞
主人滌筆金莖露不比東陽殷仲文

周天度字讓谷一字西陳號心羅錢塘人乾隆壬申進

士歷官許州知州有十誦齋集

法梧門曰錢塘周西陳刺史性豪邁好游覽所至輒有吟詠辛未冬游九華作詩九夥江行二首人多誦之

詩話讓谷瑰奇沈博受業陳句山之門時文雄麗雅不自喜性豪邁好游覽所至輒有題詠嘗與荦浦次檐西顯南竹句山立松里詩社相唱和讓谷論詩主少陵於近人喜翁山詩亦樸厚無浮光凡豔

題金閨石天山攬轡圖

丈夫貴壯游託意務開濟闔門詎事宜紆籌當遠諦與君同鄉友結交始燕薊片言金石固情好逾兄弟尤軫用世

心六合一平睇余本凡庸質因君日摩厲困頓走塞垣君
遠更數遞雄疆綬遠城皇輿職方繫是地漢甌脫元封首
除薙旋踵遺育蕃烏桓錯白題石槐闢王庭猗奄大饗帝
歆仇水深黑盛樂宮崇麗一從六鎮設懷朔屹屏蔽人民
樂清宴毛物競般裔正光水德衰沈淪入荒翳倔強兜牟
族狂忍恣剽穹蒼厭昏德五日照妖氛豪椎鐵山碎力
奪金人祭單于設都護受降奉盟誓巨憝起幽陵荒服咸
反噬自此外聲教隔絕終唐世阻午部族昌遙輦霸圖繼
鳴磬室韋逐橫戈屬珊銳稽古制郡縣南面華風並豐州
及淨州表裏山河勢金元代更易沿革事無替紮軍隸招
討羣牧準前例維昔勝國中義輪霾霧曠板升一以築宣
雲重顛癘所幸殺運終女戎生燕嬖表餌糜金繒墉言貯

婉孌窈窕四十秋疆場日睥睨桓桓我文祖西略六師逮
宏基恢漠南毳服走徒隸經今又百年山高水清厲書生
挾策至幕府富雄製寒泉九十九弔古足流滯礬絹寫作
圖紀勝擬書契別來三改歲相逢河淮篋維舟一夕共去
住兩迢遞三亭慎遲留行矣吾繼逝

立春日大雪有雷電雹次日大雪雷雹越十日又大
雪尺餘奇寒紀事

惟王首載春歲行攝提格青籥啟蟄房萬物未甲坼長街
競腰鼓臨望紀元夕土牛送滕六忽與謝仙迫同雲霧四
維急羽飛六翻乍如珠跳瓦俄看逕曳帛陽冰鼓陰火殷
動頓旁魄蘇蘇或遂泥索索更來號嚴風吹樛枝照耀雀
錫白旅人歎龜手重續齒餘齧吾聞古洪都方輿稱水澤

其地瀕江湖其俗便絺綌長虞炎精熾無慮元冥赫何渠
積淹旬黍律驕不易跋烏蹲寒號顧菟伏蝟磔得無載籍
誕或者司厯失昨宵氣加凜飛糝又騷驛夜漏咽眉冰曉
色射窗隙龍戰警百萬鶴語動尋尺上天豈無意史氏愼
取索竹歌哀黃臺鷺池拉蔡柵况今蓬婆外壯士猶負戟
誰歟薛孤延敢告莊青翟紀異咄咄詞放管落棗核

辛酉上元前二日同友人聯騎登張家口講市臺蓋

故明王襄毅諸公款奄旦處也時朔雪被野人馬
衣裘滿目寒色悵然興感作懷古四篇

危譙獵獵戍旗風川谷坡陀極望中雁翅接天排粉堞馬
蹶穿雪亂冰髮屯閒龍虎牙璋靜灤散鴛鴦玉帳空朔氣
宵來凝厚地同雲直壓大青東

榆木龍輦罷遠行天教此地作長城百年草草籌邊策列
戍荒荒按伏兵北去黃雲垂大漠南來白日澹神京平生
不信東楊略陽武謀成勸息征

蒲坂經營跡已陳詔恩三錫見何頻四樓高下同甌脫六
廢騰驤盡護眞縱使紅顏駐青鬢難將白水誓黃巾定陵
往事銷沈久譽毀無端一愴神

甯城川出舊興和凍合渾流水不波禾黍被郊前代僅旃
裘入塞近來多名王自醉留犁酒大將休誇勅勒歌獨上
高臺重迴首興亡無際奈愁何

禮金地藏塔用王文成宿化城寺韻

翠微環列曉嵐深千丈浮埃迴不侵南紀江山呈履舄中
天雲日異晴陰香臺卓影疑無地花雨飄空別有林靈蹟

幾經收拾到抽毫虛費短長吟

帝網高懸法界中萬峯插笏盡來同仙人自葬玲瓏骨龍
女長依縹緲宮金刹鐙搖華藏月石田香護貝多風采眞
莫問來時路回首從教百慮空

胡德琳字書巢臨桂人乾隆壬申進士歷官簡州知州
有碧腴齋詩存

泊瀑布塘

維舟向古塘晚唱迴柔艣漁火一江星瀑聲終夜雨

過豫讓橋

知己由來異感恩此心難與眾人論野橋嗚咽聞流水疑
有當年國士魂

七夕前一日商雨亭邀同友人游七星巖

朝游棲霞巖午過棲霞寺寺古風泠泠松篁起清吹拾級
登空亭涼雨隨客至老僧能敬客椒莢相嫵媚久坐山雨
歇衣襟溼寒翠聽月期良宵呼雲與同睡

卧佛巖

千尺高巖瀑布流振衣五月訝深秋莫言此子津梁倦卧
聽滄江日夜流

宦儒章字含光遵義人乾隆壬申進士歷官桂陽知州

詩話含光先世本關氏元時避兵更姓名至含光父
補諸生學使者爲更氏宦初知灌陽崇善皆有政聲
入爲太常博士遷吏部主事復出
牧桂陽建鹿峯書院文教蔚興

客至

素心人忽來開樽芳園坐花開香自生禽言意如賀三春
此佳日馳如白駒過消息君諒知重觴勿嫌大

蕭榕年字霞村福山人乾隆壬申進士官連州知州有
裕昆堂詩集

雨後宿德州

霽色明遙堞停車欲暮天虹收千樹雨月破一溪煙帆影
斜侵岸笛聲清在船津亭尋舊館回首幾經年

萬廷蘭字芝堂號梅皋南昌人乾隆壬申進士官知縣
有計樹園詩存

詩話梅皋代人任咎繫獄十六年
集中櫪紫軒一卷卽被罪時作也

望長城

雨過暮煙青風勁白草折山勢插天高牆垣爭巖嶂茲事
始始皇作計毋乃拙延袤數千里傷心民力竭纍纍死邊
城白骨耀晴雪九載鼎遂遷徒爲後王設有道四夷賓胡

形勝未言圖卷ノ一
爲自阨隍至今城下魂哭向秦時月

不寐

漫漫長夜寂不寢聽江流獨有三更月能生萬里愁岸鄰
雞報曙霜冷雁飛秋何處吹螺近殘更起戍樓

王曰賡字紹南號槐亭臨淄人乾隆壬申進士官興安
知縣有茂荆堂詩

信陽

信陽風物似南州澗底清泉次第流低處稻田高處麥松
篁陰裏飯耕牛

武勝關

鳥道迂迴武勝關籃輿敬仄馬蹣跚行來略似裊斜路半
面懸崖半面山

沈作霖字雨蒼號榆村歸安人乾隆壬申進士官平南

知縣

過百花洲

誰移巖壑入江城石徑參差水木清荷背胷珠留雨意松
梢偃蓋納秋聲賓朋時復傳觴詠花鳥猶然解送迎遁跡
偏容高隱者至今廢圃憶雲卿

李蘊芳字湘洲武威人乾隆壬申進士官石城知縣有

醉雪菴遺草

詩話湘洲博洽羣書胡宮允中藻視學雍涼以黃河賦試士得湘洲作稱爲木元虛郭景純一疏後中藻以文字獲罪湘洲亦被羅織平生著述甚富寄其書於同年生當獄急時付之一炬其遺詩若干首止存燈餘較之卓吾焚書猶存世間不逮遠甚亦足悲矣

放漏舟灘入七里瀨

巖溜蓄清響樵風振林樾挽棹沿洞溪岡巒互錯肆白石
激幽瀨蒼崖露峭骨天宇迴生光日華翻勃窣漩狀曲碕
通周覽窮檢括硤高秋氣鮮交疏錦綺綴蔓藻澹芳流粼
粼漱玉活澄淵理不違得趣興超忽側聞羊裘翁高卧擊
江月

靈溪汎看月至廣信

雲淨天高氣肅清青楓漁火光冥冥放舟遙傍曲溪行萬
里江空孤月明一重一掩東陵樹淒淒正對開船處夜深
浪靜聲不聞獨擊瑤華吸風露

夜泊衢州

水木肅清夜江空人獨行漁燈穿葦亂山月落船明角動
巖城閉灘迴宿鳥鳴秋風琴鶴里彷彿聽遺聲

夜抵丹陽

天空遲暮色，燭小掩餘輝。
村杵犬虛吠，野田螢亂飛。
孤光生水閣，殘月上江扉。
猶有風潭外，漁人守釣磯。

廣陵寄興

畫閣珠簾隱，暮霞江南北。
此繁華心傷，詞客蕪城賦。
坐引清光浣，女紗樓外有。
誰歌水調人，間無種補瓊花薰。
風煙月家家，醉嘯徹官橋萬樹鴉。

聞笛

玉筍洲邊月影微，清音何處破煙霏。
欲摧山石疑蛟語，忽落江風見鶴飛。
葉響楓林兼斷續，霜明漁火乍依稀。
離思此日論飄泊，辛苦南征不得歸。

董元度字寄廬號曲江平原人乾隆壬申進士官東昌

教授有舊雨草堂集

詩話曲江詩和平爾雅不爲綺靡浮豔之態亦無鈞章棘句之習蓋根柢於義山而歸宿於放翁通籍後南游蘇揚間寄廬雅雨署中最久仕途偃蹇連蜷以歿故其詩清婉中多感慨之作

冬杪太史王丈西園先生暨之巖侍御紹衣翼子兩

同年邀同李雲卜先生虞典孝廉游陶然亭

澹日冷平臬寒林倚荒圃招邀上孤亭不記春前路憶昨
早春游晞陽媚煙樹冰開新水融蘆長才如筍隔林紅杏
花嘒鶯不知處日月曾幾何蒼涼失其故一年京雒中十
丈迷塵霧何期心眼開噩夢如初寤高坐敞虛窗廓然成
野趣庾公興不淺少長愜情慤逝景不可追茲游良不誤
夜雨讀朱太史次筠李上舍蟠木聯句見示詩慨然

感賦

屋漏夜淙淙新舊雨相續短檠伴深更嗒然同槁木何來
石鼎詩忽忽動心目掩卷幾沈吟車輪轉腸轂束髮入名
場章句恥碌碌希登作者堂大雅繼芳躅麻中可直蓬他
山可攻玉出谷鳥嚶鳴友聲應林麓車笠訂雞盟上下雲
龍逐琴臺有朱君矯矯雲中鶴隴西佳公子溫溫荆山璞
先後結同心氣味芝蘭郁吾鄉名士多山川倍清淑佛慧
數峯青明湖半城綠俯檻聽鳴泉蠟屐訪修竹互答以行
歌夜闌更秉燭白雪罷吟壇慷慨思重築聚散十年間萍
飄不相屬強踏京華塵抗顏還走俗蒙頭雪千絲堆胸愁
百斛依然一故吾天高漸跼促繫我同袍友華藻振新沐
或登瀛洲侶然藜校天祿或鼓成均篋槐市扇芬馥聯牀
感離羣古道交相勸示我索和章百感互相觸回首憶同

游落落碁布局雲散而風流勝會詎可復况我本散人底
事自羈足風雨攪中宵舊夢縈心曲漁洋曾有言成句吾
能讀冷落鵲山湖幾人爲令僕

送同年孔芷堂農部奉使秦中

聞道風清瀚海頭輶車直向古涼州重臣分陝新開府星
使籌邊獨倚樓日射華峯蓮幕曉月明沙磧玉門秋知君
奏捷長楊日魯國儒生萬戶侯

假後寄故園兄弟

吾廬回首白雲深馬頰河干有杜林寸草頻年霜露感尺
書遠道弟兄心對牀夜雨懷坡穎策杖名山負向禽襍被
一肩書數卷漫從車笠較升沈

黃達字上之江南華亭人乾隆壬申進士官淮安教授

有一樓集

詩話上之早歲工詩思與吳中七子爭名刻意爲之日有課程集王延之諸人稱詩北郭

秦山望海歌

祖龍雄心控八極車轍欲窮神禹跡驅山直到海東頭千載猶傳馳道直一卷矗立張溪濱登臨咤叱驚鬼神阿房已燼陵隧毀至今山姓猶稱秦我來正值秋風發萬里滄波坐超忽扶桑若木望依稀鼇擲鯨喙紛出沒古今何事無變遷幾回海水成桑田高三過五竟安在惟有寒潮去復還

書文信國集後

泣聞哀詔度湖陰空振軍門戰鼓音王氣已從南海沒纍臣漫對北風吟出師慷慨隆中略擊楫飛騰江上心一木

終難支大厦匡山遺恨至今深

趙嘏宅

才名繼起已千春
還說枚臯宅畔鄰
我向秋風聞弄笛
不知誰是倚樓人

王宸倍字吉人號端谷山東新城人乾隆壬申進士官萊州教授有端谷詩草

喬村雨霽

夜雨新晴後
千山翠欲流
鳩呼深樹裏
潮落斷橋頭
風定魚浮水
煙消人倚樓
耕夫各歡忭
四野發清謳

于豹文字虹亭天津人乾隆壬申進士有南岡詩草

詩話虹亭詩千數百首其族弟巨樹爲之編次以漁洋訂考功集自况稱其詩清峻遙深歸於性情之正並舉橐中有題考功集句云連珠共信寒於水獨鶴何心解向人以爲可知其詩格所尚云

感懷

四十年來事淒然暮雨中飛騰慙去鳥蕭瑟近衰翁敢謂
詩書誤羞云篆刻工寥寥千載上此意竟誰同

閉門

閉門不羨鶴書頻魚鳥閒同萬物春小草曾嗤謝安石大
招無奈楚靈均江湖廊廟誰高下白髮黃金有故新卻笑
折腰彭澤宰歸來始號葛天民

小園漫興

賦憶蘭成百感生曩來蹤跡總營營晚菘早韭尋常味惟
髻蓬頭自在行素業河邊惟半畝故人天上有雙旌閉門
幸謝塵中客二仲頻來犬不驚

阮葵生字安甫又字寶誠號唐山江南山陽人乾隆壬

申舉人由內閣中書官至刑部侍郎有七錄齋集

詩話唐生以中正榜起家既改西曹壹意讀律獄
多所亭平久次入諫垣遂自通政司參議超副秋官
不數年卒好爲詩設消寒吟秋兩會與京朝士大夫
雍容嘯詠嘗扈從灤陽與百菊溪瑞芝軒諸公廣和
御製菊溪得句云小雨無聲忽到鞍唐生亟稱之
以爲如讀南華迴不可及並次韻紀其事唐生卒後
菊溪方督兩江令屬吏編刻其詩爲七錄齋詩選與集並行

野寺

禪扉半掩夕陽中
林外香風動塔鐘
行徧空階人不見
一聲清磬落孤松

千尺雪

入門千竿萬竿竹
森森蕭蕭夏寒玉
下有清流澄以深
坐令六月忘炎燄
粉闌一帶繞溪邊
翠草千叢繡山足
亭臺四面無正向
高下總隨山勢曲
鳴泉萬派落峯頂
波波折

折漾文縠接筒分引注滿池池前一片波光漾我過曲徑
走禪房拄杖山頭窮遠目涼風颭颭吹我衫秋林萬樹如
新沐遙聞天際落濤聲蚪松萬丈攢蒼綠有時天香雲外
飄悠悠鼻觀接芳馥勝地豈獨奔湍奇移步皆堪作畫讀
溪山信美非吾鄉登臨那得遽廬宿徒令游興成句留何
日一茅來卜築

題齊息軒宗伯雲起石譜用東坡石鼓歌韻

三月既望日在丑入山獨訪杜陵叟執經願逐彭戴游登
門忽作籍湜走賤子半生俗在骨先生一見笑開口相將
促膝話從前細數離棕自別後手出珣玕累有干目瞇點
晝忘其九或如支離五粒松或如臃腫十圍柳宛委或如
夏后碑破碎或如亞父斗自謂青山雲盪胸不羨黃金印

繫肘抉拾如從沙揀金搜剔如妨苗亂莠苔花千載繡山
靈松嶺三年契石友小技甯誇蟲蝕書壯夫恥效虎初毅
幾疑入水呈龍龜不須破壁搜蝌蚪天剗斷斷屬巨靈怪
事咄咄驚耆耆先生生本具慧眼往往雲砂隨指嗾每逢
出岫垂車輪便教蠟屐攜尊卣凝眸高矚向煙霄回睨旁
觀盡矇眛乍看千葉散芙蓉倏飄一髮懸岫嶼尋蹤直上
峯頂高鑿險終鏡石皮厚金翹破處露纍纍鴻寶攜來讀
某某茲事從來想絕無聞言那不驚頓有傳觀一似魚得
珠狂喜爭同囚脫桎世上兒曹盡葉龍近今書手同瓦狗
眞儒居處亦精靈天文隱現信非偶新語傳聞十二州好
詩哀集三千首南宮之袖不勝藏青田之根急須培會向
嚴陵去趣書莫教豪客來爭取

譜屬方蘇臺繕書一載未
歸又爲劉繩庵司農攫取

數十枚才劣誰憐覓句難詩成莫滌多生垢摩挲空作三宿

戀惆悵難爲期月守稽留山閣知緣深坐對春風漸學朽

何時負笈歸天台日餐雲母杖靈壽予繪天台採藥圖先生爲題樂府六解又

惠藤杖一枝

弔于忠肅公墓

甲光鱗鱗白日慘土木之變人喪膽舉朝縮頸占天星力
排眾議公獨敢根本一動大勢去言南遷者吾當斬此是
乾坤何等時安危乃以一身支威行片紙出軍府千里萬
里風霆馳摧殘大敵定社稷金甌無缺天子歸天子歸來
羣小暱亨等意耳辨奚益不惜身隨天柱傾自有奇勛貫
金石嗚呼先帝知其枉朕心憐其忠憲宗祭公文內語崇祠業業
銘旌功祇今穹碑蝕殘龍鳳字猶來披榛剝薛尋幽宮三

台山下悲風起翁仲無言石麟峙回首棲霞一樣冤岳墓

南湖北風煙昏

淀河雜詠

摺疊蒲帆扇扇排往來曾不踏青鞋蛤田蝦渚都相似楊

柳荷花誤亦佳糧料淀今誤稱楊柳淀何家淀今誤稱荷花淀皆屬保定縣

栲栳園西夕照黃菰蒲煙水望迷茫草橋關口虹隄互羸

得兒童拜六郎栲栳園霸州村名草橋關益津關六郎隄馬祭隄舊志皆稱宋楊延朗所建

水宿沙眼樂有餘漁郎生小習舟居鳴榔跳版沿陂岸走

卻琴高赤鯉魚琴高趙人有祠

馮廷丞字均弼號康齋代州人乾隆壬申舉人歷官湖

北接察使有敬學堂詩鈔

秋日登陶然亭

葭菼荒荒水四圍
闌干獨倚對斜暉
塞雲度雁遙天闊
老樹吟風亂葉飛
幾日故人同載酒
祇今時節屢更衣
菊花正好情懷懶
爲悵登臨舊侶稀

萬友正字端友號虛舫阿迷人乾隆壬申舉人官青神知縣有汗漫集

夜泊吳江

棹倚水雲外
秋生淡靄中
廉纖篷斷雨
舫趁雁回風
魚浦明村火
蘆花隱釣翁
客懷愁不寐
江岸聽吟蟲

周大樞字元木號園牧浙江山陰人乾隆丙辰舉博學鴻詞壬申舉人官平湖教諭有存吾春軒詩鈔

詩話園牧於詩琢抉爬搔意欲參取諸家自成一體

舉大科未遇時果毅公訥親相裕陵柄政招園牧爲上客日講通鑑數則園牧不屑攀援以他途進年近六十始舉京兆充咸安宮官學教習敝袍徒步入

之得校官去生平與胡穉威萬循初交最善相與切

浪說儒門羞五尺只今江

左幾夷吾猶非其至者也

漢宣帝行鐙銅槃歌

鄒升桓學士於市買得銅鐙槃上有識云五鳳四年河東喬夫

山公有為上林甘泉造行鐙因歌以紀之齊次風胡穉威各有和詩余亦繼作

周秦以前不易得博古爭求漢時物行鐙無槃製河東上

有嗇夫名字勒曾孫才類武帝雄獨以賞罰綜羣工黃龍

五鳳作年紀生平好尙將毋同夜向甘泉祠太乙羽蓋芝

旗拂雲出銅釘銜燭耀天衢影落星河上白日一自黃貂

易黑貂諸陵松柏風蕭蕭此鐙流落亦何惜玉盃猶聞出

市朝土花分紫波分綠更閱千年如電速棄擲雲泥兩不

知高岸人間幾成谷翰林先生癖嗜古入肆殷勤贖五殺

歸來著手日摩挲愛劇紅肌十五女一曲雕龍感慨生轉

令舊事憶西京銅槃只是無言語何限千秋萬古情

海雲歌

吾聞海上三神仙曾城十二虛無間巨鼇鼻屨頑甲禿乘
風徙去乘潮還秦皇漢武無仙骨不見金銀耀宮闕定識
徐欒非浪言真有蓬壺浮硯硯東牟秋晚碧宇澄陽烏浴
翼投滄溟浮雲一朵起天際綿邈千里連蒼青奇峯複嶺
倏騰擲五嶽真形變頃刻赤城霞標建高紫匡君瀑布垂
修白卧對真如宗少文琴響泠泠動四壁忽從浮槎弱水
西丹邱縹緲望丹梯樓臺百座林端出鸞鶴千羣煙際迷
拍肩把袂飛仙人麤筆羽服青霞裙呼之欲下不肯下笑
我稂褐身賤貧我甯住世趨埃塵略欲識字窺皇墳但作
頑仙何足珍上界官府還紛紛亦有赤砂與白鴿行人牛

馬車輪困若煙非煙縵五色窈窕錦繡開青旻信知造化
弄奇詭不獨珠宮幻蜃市我作長歌歌海雲蕭蕭聲捲秋
風起

雨夜

雨後江村路新泥屐齒加夕陽明晚稻秋水倒疏花碧岫
披雲出紅樓帶樹斜渺然成獨立歸詠後棲鴉

春夜聽雨

東風吹不斷疏響入瀟瀟酒醒鐙初暈人來夢未遙散春
連遠陌潤物到枯條他日添新漲留痕綠未消

寄家讓谷古北口

悵望長城萬里強地形人意兩蒼茫新詩悲壯橫孤角古
壘崢嶸弔夕陽散牧千蹏邊草白射鵬幾片陣雲黃書生

弱翰功名晚不及軍中有蹶張

借胡西垞穉威讀書石林禪房張爾康趙韞山各以

詩寄次韻奉寄

不妨丈室共談禪懶讀南華第一篇成佛未甘居謝後論
文那得在盧前聽鐘野寺千山裏打槩寒塘萬柳邊浮世
積埃安可問此生木榻會須穿

周震榮字青在號篋谷嘉善人乾隆壬申舉人歷官直

隸永定河南岸同知有篋谷詩藁

詩話篋谷覃研經術尤致力於三禮在官未嘗一日
廢學嘗病坊刻外謫欲彙輯漢唐諸儒三禮注疏合
爲一書以惠後學藁成於永清官署以不戒於火遂
被焚燬此外所著書十餘種悉未刊行昨歲余門人
曹子秉章於廠肆中見其所著古文四寸學及正名
兩書底藁以價昂假而鈔之雖皆非定本亦可爲吉
光片羽之存蓋文人著作爲畢世精神所寄非時代
所能運沒有斷然者今篋谷所著飄零展轉於百數

十年後復得落於曹子之手曹子爲笈
谷女孫之孫冥漠中殆亦未忘付託乎

吳越王舍利塔

鳳凰山前萬松嶺碧波雲鶴空遺亭表忠觀但存二石金
塗塔况餘千齡深宮五夜範金土西域如來留影形白蓮
蹟古僧難問白石齋頭詩可聽家山夢遠桐鄉好雅事人
傳翠墨靈坐想臨安千載上篤生異人五季丁弩御胥濤
樓疊雪衝排石筍山圍青萬姓依王王佞佛佛身千億千
穹冥蜀漢同時紛割據觸蠻一角悲燐螢叢叢誰衣山頭
錦戚戚終憐牛角颯翠鈿紫陌春花輦私第黃金海物瓶
還鄉唱罷王孫去保叔崔巍月入樞烏井荒祠遺老拜北
邨宿草東風醒君去更尋握髮殿蒼苔敗瓦或有功臣型
題黃小松吳寶鼎輒搨本

甯飲建業水不食武昌魚武昌材瓦以朽腐太初宮畔昭
明居昭明樓閣高千丈不作卑宮神禹想爾時陶旂盡公
卿此日遺文搜康豈黃金斑斕車耳失小篆猶存一十一
遙知磬鼓偏荒村木柿浮江非所恤蒼苔碧蘚吹東風燒
磚比玉堅相同紫蓋黃旗俱寂寞荒涼銅雀大河東銅雀
之研幾春秋此磚幸未經雕鏤江南春歸花草稠共醉田
間聊以支吾頭

莊肇奎字星堂號胥園秀水人乾隆癸酉舉人歷官廣

東布政使有胥園詩鈔

詩話胥園初以杜姓舉於鄉及官黔滇爲李相國侍
堯所倚用相國獲罪牽連遣戍伊犁十年始歸驛起
數年至粵蘚詩強半在塞外
所作無題八首詩託最深婉

無題

更有何人不斷魂
春風如夢了無痕
瘴雲粉黛凋金齒
寒草琵琶度玉門
禁漏星移窮碧落
沙燐雨溼哭黃昏
舞衣歌板飄零盡
羞說明妃自有村

采葑下體忽遺捐
棄婦情同玉石堅
葵未死心終向日
鴻雖斷影不離天
秋風紈扇渾閒事
人面桃花已往年
儻許爲容理膏沐
猶能巧笑受君憐

次韻陳蕤涘同人招飲鑑遠樓

一髮中原夕照斜
青山何處是吾家
倚樓有客吹羌笛
楊柳邊聲怨落花

一水西流萬仞山
亂鴻風急野鳧閒
天應有盡愁無盡
故壘春寒燕未還

晚晴簪詩匯卷八十一終

晚晴移詩匯卷八十二目錄

翁方剛 四十二首

紀昀 二十三首

朱筠 四十首

晚晴移詩匯卷八十二

徐世昌

翁方剛字正三號覃溪大興人乾隆壬申進士改庶吉士授編修歷官內閣學士降鴻臚寺卿重宴鹿鳴賜三品銜重宴瓊林賜二品銜有復初齋集

王蘭泉曰覃溪蓄心績學宏覽多聞詩宗江西派出入山谷誠齋雖嘗仿趙秋谷聲調譜取唐宋大家古詩審其首節刊示學者然自作亦不盡合也吳蘭雪曰覃溪論詩以杜韓蘇黃及元遺山虞道園六家爲宗全集多至五六千首命余校定卒業余請分編爲內外集性情風格氣味音節得詩人之正者爲內集考據博雅以文爲論詩者曰外集吾師亦以爲然張南山曰先生生平論詩謂濶洋拈神韻二字固爲超妙但其弊恐流爲空調故特拈肌理二字蓋欲以實救虛也陶夔藻曰先生其分兩種金石碑版之作偏旁點畫剖析入微折衷至當品題書畫之作宗法時代辨訂精微盡其學問既博而才力又足以副之故能洋洋縱橫別開生面不可謂非當代一大家也

詩話覃溪以學爲詩所謂瓠璧木石一一從平地築起與華嚴樓閣羣指即現者固自不同同時如惜抱北江諸人每有微辭持之良非無故然與觀羣怨之外多識亦關詩教且其深厚之作魄力既充韻味亦雋非盡以闢靡誇多爲能事遺山云少陵自有連城壁爭奈微之識珠玑讀覃溪詩亦作如是觀耳

蘊山以近詩寄惠州舟中點定漫書紙尾

此事辟如作畫然得意乃在筆墨先龍睛一點卻飛去金鍼欲渡何田緣道子之筆項容墨尙聞洪谷譏其專象外雖云得摩詰設色何必非龍眠吾觀營邱華原輩胸中本有全山川層巒疊嶂架樓閣野橋細路分水泉天然遠近與向背依約脈絡相蟬聯然後淡濃視意到變化開闔非言詮此須多識多閱歷目存心鑒日復年位置乃能一一合孰爲粉墨黃朱鉛泊乎神來氣來候但見一片成雲煙向來所取盡糟粕或進于道通于禪裏糧方能辦遠適求

魚且莫思忘筌不到解衣盤礴贏敢希神妙秋毫巔謝生
新詩錄寄我正值惠州初放船短篷晴日爲點定羅浮日
日橫几前偶因卽目悟妙理再書紙尾詞牽連生如問我
何處得得自遠麓空江邊

閱江樓歌

崑崙一脈來夜郎東流直下萬里長包絡滇黔匯交桂中
乃混一灘與湘潯梧百折到南海全入牂牁歸大洋端州
城外石磯石屹此四瞰爲遮防三面皆山一面水水又襟
帶山之旁初看七巖排北牖金天運池騰光芒諸峰漸西
勢漸闊遠如兩扇根闌張一絲裊裊下天際紆徐浩淼趨
中央忽然斗起跑空立一門萬馬爭奮驤強弓迅矢發不
及白浪倒射蒼崖蒼東以孤亭受以峽峽三十里皆羚羊

建瓴屋下復有屋崧臺址本層層方因臺拓扉俯峽底不知更幾千丈强大湘小湘出帆背頂湖瀝湖穿石梁龍湫又吐諸瀑下峽口急鬪聲礮礮千巖樹逼水關綠萬壑風濺山窗涼自此南北江合滔滔浩浩仍悠揚百里千里注海去復接橫浦澧沅斜陽極天逆遠翠頃刻四壁皆江光雲嵐咫尺在几席大書磨墨神蒼茫

銅馬篇示馮生

我來嶺西訪銅柱懷古一賦銅馬篇摩挲銅鼓況已屢有若手量銅馬然憶昔伏波下交趾駱越鼓正鳴闐闐聞聲豈獨思將帥攬轡萬里秋風前平生閱馬千萬匹老眼默識形神全想像驂驪立突兀斑駁霞雪生雲煙空際嘶聞或風雨意中蹶闊無山川遂空萬古凡馬相一借三尺銅

精傳詔書特置宣德殿太僕黃門幾曾見夜半房星忽下
流銅龍掠影如飛電誰識來從鳶跼鄉卻教作式龍樓院
武皇舊立金馬門渥注天廡如雲屯當時枉費征西使似
爾纔空冀北羣須信驪黃牝牡外別有倜儻權奇存買骨
誰能懸揣度按圖更要勤求索定視蹏高鬣尾垂不煩錦
轡黃金絡天機一片鑄爾成爲爾暑寒燥溼無變更就我
模範騰光晶世間豈少九方舉與東門京漫說騏驎地上
行

雷州道中讀道園學古錄憶甲申冬曾讀于此用錄
中韻作詩寄礬石蘊山未窺其旨也爰爲改作時

丁亥七月二十四日

公撰南州仿中州何啻寶書述左邱惜哉僅傳石問答空

此妙語臨芳洲南渡而後文漸敞銷金鍋內米浙矛程學
盛南蘇學北各主一二難兼收是時江表餘前修那無奇
字揚付侯百年文獻天半壁孰與索隱還闡幽大都文儒
富館閣亦有殷士將羊牛內府圖書誰復識宰相世系或
可求在朝在野都一集風雅可當元春秋所以自負漢庭
更不肯毫末鉛粉留惜墨幾無一字著豈礙萬丈光芒流
曲折滄蓄皆有故彼夸多者眞浮游楊范揭輩藻已弱對
此疑古彝鼎舟温研一過又三載輶邊海月涼懸鉤

秋晚重游雷州西湖兼懷確齋

湖上稻已長倒滌于湖中飛舞百頃浪抱郭成彎弓誰云
潦水減更覺亭閣空緬思昔來賢大半嗟途窮最著蘇與
寇乃及梁谿翁一笑坡翁言杭穎誰雌雄我昨初秋來行

繞菌菖風野寺訪遺碣斜景餘卧鐘尙此攜舊侶詞賦懷
巖終堅坐遞傳諷僵立愁僕童江海倏霜露風雨吟蛟龍
秋光知君去新霽爲我容澄澄菰芡外雖畫難爲工蒼然
起涼思遠磬生梵宮

秋晚回試高州重題城月驛壁

秋在朝涼午燠閒人歸黃篋碧溪灣數椽聚處成官驛一
鳥飛邊得遠山院雨記聽蕉葉響庭苔似點菊花斑應知
路漸高涼近許借層窗此豁顏

洋畫歌

陰晴遠近同一川樺皮屋子無市塵七道三島想接連人
半羊兜丈尺前人或坐立羊牛牽青黃宛轉高低田蹋歌
鑿耳爭鮮妍鬪毛染衣光映淵白脈始知尋瀑泉漸引漸

深微綠穿一綫淡入迢迢天騰涌四起雲綿綿大洋萬里
規影圓此皆筆蹤細盤旋有若髮鬢絲絲纏面勢每在膚
寸邊初非組織非丹鉛遠方市易用物全鹿毛之筆松花
煙技巧何止秋毫巔屏風競說端拱年金銀蒔貢自裔然
拂菻女兒詫龍眠亦不盡貴粉墨填紅羅襪軸援古編蝠
蝠扇子螺鈿筵海波不揚海估駢晴風聽泊黃埔船

果亭運使所藏李龍眠五百應真圖卷予既爲書准
海圖記而綴以詩

髯秦記記法能筆心游馬事二十七龍眠卻馬從秀師一
掃人物五百奇以畫三昧作佛事龍虎狸豹兕象獅蠻奴
鬼使侍童女獻花輪寶緣須彌胥來繞一青蓮座白毫相
光初放時梵天重閣紫色萬象攝入圓摩尼疏眉顯面

若曉日欠伸，趺坐行以嬉。莊嚴變幻各一義，問答讚歎誰知之。瀾茫香雲鬢雲起，倏忽半月滿。月爲卻於水影出，墨彩餅拂之閒天。接海空音空色煙浪中，萬岫千巒狀旋改。卽離吞吐彼我觀，然否五千五百諾俱那。徒在石橋挂錫傳天台，曹勛記可雁宕該。玉局遺文薦誠院，空山水流花又開。此圖不知奚取材，展之颯颯虛吹來。秋毫神妙筆筆鐵絲似一氣，糾結縹緲非樓臺。羣木羣石勢欲動，飛者走者生喜生悲哀。千鐘一光彼卽此，無文字處皆偈子。多事我爲寫秦記，以馬喻馬指喻指。嗟馬與指我豈知，吮墨新陽上窗紙。

望羅浮

只有濛濛意，人家與釣磯。寺門鐘乍起，樵客徑猶非。四百

層泉落三千丈翠飛與誰參畫理半面盡斜暉

電白道中

露螢遞開闔風蟬自軒舉泱泱礮水鳴咽咽草蟲話後岡
嵐滴翠前岫雲聚乳莽蒼大石閒綠霧曠吞吐田澤蓄未
盈味爽氣煦煦理策上修坂中途屢迴佇跂彼文蔚者韜
養待濛雨

仲夏風露淺未旦及氣滋地底沸如湯驅過熱水池莫使
人氣雜斯取夜養斯南礮百草香迎陽弄葳蕤陵岡擗丹
霞俯汲以默思鴉鵲籟未起獨聽樵斧時

鼃蝸亦未鳴稻區半黃青時見三折水斷葦涵明星蕩蕩
野渡闕巖口取微冥沙戶犁未停村火窗猶熒負戴者誰
子役車上遠陞豈知勞者思折麻感微馨緬彼邱中琴倦

此野際萃孰云翫迴轉得展耳目營

重陽後五日同裕軒辛楣遊城南萬泉寺

活活蒸冬水先迎冷客來僧房掃黃葉禪榻卽蒼苔醞釀
村陰意商量野菊開誰能未花日閒步問豐臺

十年食藕處有寺已無亭草徑幽能熟蘭襟淡更馨雨兼
萑葦響泉帶轆轤聽意在寒林背西山分外青

買得蘇詩施注宋槧殘本卽商邱宋氏藏者

國初海虞有二本其一寅歲收六丁

順治七年十月事

維時湖南

寶晉叟把卷凭閣看飛熒宋元舊本鏤次第獨此未及傳
模型可憐醴泉化度法瑤臺戍削留娉婷也是圍翁痛著
錄不得再覲隄麋馨一朝東吳故家得四十二卷重汗青
黃州判官有舊夢笠屐圖子來丁甯由儀篇忽上客譜束

廣微濫吹竽聽銜薑黠鼠到潛采眾目特讓查田醒江南
書手費影寫掇拾想像於奇零施注實惟施顧注施家蘇
學詒過庭紹興書箴嘉泰歲淮東板出倉曹廳漢孺楷書
作佳話湖州詩獄此又經石鼓文與會稽志同時校槧新
發礪施武子又於淮東倉司訂石鼓文刻之嘉泰毗陵先
生世莫識要以土蝕成青萍宣和間禁蘇氏文字學者卷
前惜闕譜及目世間僅此鳳與星適者又得顧禧集文字
聚合憑精靈重開此本儻異日敢任嘉穀滋蝗螟摹公書
帖奉公象笑彼亭長署杜亭我當焚香日望拜公乎弭節
來雲駟

漢延熹西嶽華山廟碑歌爲朱竹君賦

漢安元嘉與永壽東京碑字皆未磨今人獨於此碑惜謂

出中郎重摩挲或云會稽攷古誤太史郎那中郎過元常
元嘉卒史字稚圭信否圖經詭箭筈門閒殿基砌嘉靖年
以麤沙剝趙嘏所以慨作跋跋與洪趙非一科誰知此跋
宛在此葉葉蠅楷如擘窠椒花舫深塵不到未展額篆先
吟哦上溯周禮職方氏下薦巡狩豐年歌霸陵新豐地特
紀袁君孫君績駢羅昭叩瞻仰女汝合鑿亨字更加切嗟
碑以鑿爲監亨
爲享洪未釋者惟初分隸次仲作王蕭之志交相訶建初

熹平源測委韓詩鄭易諺則那篆與隸分遞相減初但俯
仰無撇波華山華亭記樊毅三碑皆系于光在建甯之前

建初後篆隸斟酌無偏頗鎔金屈鐵六百字全女六百九
十字今缺九

十七字 金精白帝高嵯峨三峰萬古一元氣想見於此旋義

娥精神融結到此本二百年前已無多雲駒雲雛二東子

墨莊樓中同手摩郭髯題曰郭香察小史遞以凍筆呵裝

池一藝成故實方于魯亦矜丸螺

趙子函跋華山王宏嘉用方于魯墨補書松

談閣又翠微閣山史筆力追隸蝌孫顧二跋不可見諸老

白髮來婆娑百年又隨江南客星虹萬丈藏煙蘿君今輕

裝南返北一本匣抵千金馱君精六書勝于郭尉律不止

言虞戈宜討本原證文字昌黎所謂如懸河亭林昔亦吉

金擬但稽職司不及他一碑可以該漢隸婁機字原較若

何

送姚姬傳郎中假歸桐城

縱觀當代述人文前輩諸公用意勤清廟明堂庀梁棟深

山大澤蓄風雲開元大厯非空貌秀水新城莫漫云君去

重編海峰集肯隨北地乞餘芬

幾宵東觀繙書手忽撥殘更嶽頂雲示我天門詆蕩語如
披玉策赤青文飛揚逸氣鞭鸞鳳窈渺清齋寫典墳江畔
皖公山縱好有何巖壑可留君

新蔬軟脆帶春冰風味端宜筍蕨勝淡意回甘無物喻苦
言近辣有人憎紀侯秋夕緣詩瘦嚴子冬心抱病能又到
唐花風啟蟄桂宦雪灑讀書鐙

前年送紀心齋嚴道甫皆于魚門此齋中置酒也

同葶石魚門集丹叔侍讀齋觀所藏宋張擇端清明

上河圖真蹟卷

嗚呼政宣翰林畫題字大定明昌間其時金已訖都汴綠
雲紅雪堆三山卻想花石運艘日笙歌闐咽千闔闐通門
繪渠兩岸接士女衽服光爛斑槐街游龍踏紫霧杏梁語
燕交朱欄萬瓦百貨筆莫述竟借蔓草離黍看梁園清明

花幾落鵲山寒食酒又殘長沙百年追世澤鈴山千鋸輪
權姦文江才子簿作記南濠題跋語可刪傳聞內臣竊肘
篋御溝藏弃力所殫或疑匿去入馮保保也手跋今尙完
向來青父踵性父不言李祁與吳寬馮後流落託誰手瘦
金簽蹟覓已難主人具眼富搜擇此物自歸天不慳晴窗
吾輩得目飫一洗平日胸迴環可作易圖翫消長又作無
逸團風觀畫家一技乃至此嗚呼此乃真擇端

同慕堂筍河魚門伯思飯裕軒野圃兼呈南厓

遂乘曉霜氣菜如人意濃我作野圃記泚焉想前蹤結構
改面勢平揖近遠峰獨留山口光縱此水際筍枯荷仍小
檣插棘展長墉四邊菊花水一於此榻供所以山桃後來
必乘晚菘

不愛春夏綠愛此秋葉黃先生看山眼炯炯浮秋光黃葉
亦何好取及菘可嘗老韭細轉青新芥辣更香蔬實飽風
露卉木閱炎涼高樹未搖落鄰畦已登場柴門客不驚烏
雀自成行了然驗物理後時獨何傷

七人來者六一歲至甫再雖抱促膝懷屢以潄雨礙橋南
官河濬近漸柴門對萬泉之上游諸峯受以黛鱗鱗風漪
來動盪日光碎空際飛鳥影落我衣襟內小坐沙石旁忽
聽村犬吠始知圍廬近復資蔬畝慨半日問水源不獨觀
擷菜

嵩山漢柏圖歌

我爲莫生歌此柏此柏影忽落我窻鬱然合抱四十尺六
六峯勢來崆峒磊柯節目外臃腫峻極元氣中敦龐雷火

劈痕賸突怒風雨時吼于空腔三株一先神物化萬古對
語洪濤撞云自元封太初際受爵曾馭雲縱捩三呼之聲
與應和萬靈環揖氣爲降生年不知自何代由周上溯于
殷邦于成于宣奠河洛小共大共受駿厖青龍蒼光儻及
見其神夜或來幡幢嶽生還爲嶽藩衛森然導從干矛鉞
我望伊川瀝泉水石淙未得尋澹澹二室遺聞訪金石萬
牛力那一筆扛參摹混元叩天咫滂瀾浩浩吞濤江日移
神駭不敢睨眞到天闕凌石缸嵩陽居士果何在俄有青
鳥飛來雙

棲霞道中示蘊山

從我負書非日歸詩情先逐曉雲飛重陽細雨遲黃菊六
代精藍冷翠微遠眺合教青眼共深談喜未素心違洞天

且莫題名姓苔蘚濛濛恐溼衣

宣城北樓歌寄蘊山

謝公高齋登望處千年遠岫開秋曙碧海青天納一窗鏡
裏雲光飛不去錦袍仙人萬古愁對酒酣歌卽此樓尙有
淋漓醉草在化作古柏騰蛟蚪懷謝亭邊鬱奇思對結批
杷軒晚翠澄江誰寫疊嶂圖北望猶傳二樓志蓉江小謝
今代才登樓縱目重徘徊宛溪響答簾前合柏規嵐陰檻
外迴爾家故事留蓬萊沈約范雲安在哉長風吹雨洗綠
苔坐呼窗月流金杯精靈呼吸儻可接爲我招揖青蓮來

四庫全書第一部繕錄告成正月廿一日奉貯于文淵閣臣以校理與觀陳設敬歌以紀

四庫四部編摩新十年祕帙承絲綸特開高閣仿天一

淵文源溯與津仲春上日御經幄賜茗閣下優儒臣文華
主敬相次北方池匯鑑淵寫神峇峇閣影躡雲漢萬櫝櫛
比羅青旻去冬繕書初報葳雪晴春仲前一旬銅烏風定
下照水金卮日麗無纖塵簾卷欄迴靜如鏡籤排帛拭光
流銀琅函鑄目貯之櫝册以櫝計參差勻三萬六千括象
數二十八舍環星辰凡三萬六千册六千一百餘函每架四層爲函四十有八內以經
部外子史經緯表裏齊衡鈞芸香寶氣近帝座四壁彝訓
敷言申義文字畫卽河洛範疇錫福于下民綫裝黃祇珍
重捧字字倫敘綱紀陳魚魯常教憶掃葉典謨豈止思書
紳臣自去冬忝再入屈指癸歲交庚辛閣旁小松昔新植
已復茂綠承溫仁冉冉紅雲傍檐宿喧喧好鳥來喧晨但
給掃除亦榮幸何況登閣袖書人徘徊直房過亭午紅牆

柳拂波粼粼

劉松年風雨歸舟圖

暗門風雨作團扇淡色江山開半面思翁一見認范寬不
敢評量同畫院院師突過張都尉紹熙格比淳熙變清波
門外賜金來妹子楊家字題徧此幀依然團扇法四山雨
急攢飛箭千帆疊鼓礮殷雷一道金蛇江劃電高峯壁立
溼空青對影濛濛煙一片舟人咫尺盼漁邨儘力篙撐激
波漩昏黑之閒竽籟聽精靈恍惚蛟鼉戰迷茫竹樹家何
處蓑笠柴荆憶如見得非寓意寫湖山未解歸杭作歸汴
秋山行旅題甲戌四秋前已歸程羨院中名噪四十年粉
侯弟子工能諫小楷鱗紋墨暈閒耿耿元精穿素練補入
杭人院畫錄墨池半鵬雲濤眩漫認蕉林小印章試摸嘉

定雙絲絹

銅鼓歌題曲阜顏氏拓本

桂君昔拓顏氏鼓宋生今示秋谷詩秋谷詩蓋觀鼓作我
賦拓本嗟已遲手量面徑一尺四瑇紋十匝繚繞之雷回
絡索乳交暈庚庚細理砂畫錐一十二辰作陽識儼如漢
鑑神衛施或云伏波或諸葛前後皆說東京遺傳聞伏波
定交趾駱越聲震西南夷厥初蓋以銅易革調和燥溼均
參差綴以鼉形面八角逮乎諸葛西蜀爲渡瀘而後製滋
廣三川百粵沿其規諸獠諸峒以次鑄度以大小隨高卑
張庭置酒集子女金釵扣應都老期官商呼吸和子母丹
黃藥淬分雄雌含風吟嘯出蝸篆午陰風雨來渺瀰昔我
十登南海廟殿庭縲索東西垂東者最大西次小鄭細獻

自春州馳銅鼓灘邊出者一鷓鴣斑象義爰著仲春之祀
侑神樂百靈祕怪環委蛇聲聞江口二十里扶骨黃木天
風吹高涼神祠亦有此溪水夜半雲雷隨壺蘆笙與竹笛
和節歌洗廟東坡詞往還經過屢稽考手捫星宿森離離
竹垞朱老昔縮圖四金六鼓辨禮儀又聞漁洋有手記相
傳款識如鼎彝文曰伏波將軍鑄馬援時字焉得窺踟躕
廊下每忘去何暇細繪蝦蟆皮假如腹鑄果堪拓吾定凹
凸窮毫釐以冠粵東金石籍視此奚啻千倍蕝異哉漁洋
竟沿誤暑月累我汗濯澌十夫指視無一字圖經好事乃
我欺徒然寸尺志面腹併未摹搨來裝治十年篋中審古
器磊磊大小千百奇兩漢之文考所釋洪婁歐趙皆吾師
獨無鼓銘著於錄曲阜尺但摹慮虎樂圖此鼓獲何歲想

田日乘言匯卷ノ十一
十二
近孔壁鏘金絲諸老同時定詳說魯薛弟子辭何疑我題
欲作科斗篆配爾古綠苔花奇茫然發我南嶺夢海潮聲
定推蓬時空窗月墮大圓鏡波文海藻穿漣漪作詩以寄
顏與桂那敢秋谷相攀追

趙北口

瀛郭之間半煙水村閭如畫接漁船記從鷓鴣溪頭望詩
思濛濛三十年

蟬蘄灣灣罽布碁霜空老柳照橫漪枯萍折葦蕭寥意轉
勝濃雲蘸翠時

出南康府城西門望廬山雲氣

門開星灣北郡抱沙洲面旬日風四霾晨容豁一變融融
霽氣中野曠山葱蒨我與匡廬君始以真相見兜羅罽半

腰玉簾垂一綫濛濛噓淡白吞吐青瑤片大哉膚寸澤端
可六合徧顧以晴翠光洗我連宵倦衡雲禱無私海市祈
敢炫半日竹輿上冷風有餘善

青玉峽

青玉峽口雙厓開層青倒捲作怒雷馬尾東來勢一掉蹶
起萬壑聲喧厯我初觀瀑十里外銀潢遠瀉高崔嵬到寺
亭午霽色出珠簾正挂蓮花臺雲根卻踏巨鼇背日影磨
盪神龍頰仰望珠簾不可見中益一碧如平杯高峯轉東
又轉北不知拗折從何來到此萬馬躍一鼓飛花散雪成
千堆大石礮硯割萬古淋漓元氣非莓苔手捫星辰不敢
逼庚庚眼眩杓衡魁隔溪嘯答響山籟長風襟袖凌九垓
穿雲別象不能去蘆沙細礫皆瓊瑰漱玉亭子大如斗想

明正集言部卷之二
三
像坡老真仙才安得急雨看龍鬪狂呼激灑千金巖

招隱橋

山僧送客忘言說水自飛流石自橫借問藥苗尋徑者定
知何處午雞鳴

鈴山堂

堂倚袁江麓勢偏青峯俯愧碧潺湲大雞韓孟聯吟好小
吏廬江樂府傳莫認故巢思孔翠試憑後學洒山川世間
豈少藏脩者岑寂書窗二十年

南昌學宮摹刻漢石經殘字歌

石經未及洪家半尙抵吳萊籀書換龍圖晉玉雖舊聞魏
公資州餘幾段鴻都學開後三年皇義篇章未點竄正始
那誤邯鄲滄隸分先估張懷瓘黃晁援據正宜審蔡馬姓

名還可按六經七經孰淆譌一字三字精剖判邇來鄒平
與北平商書魯論珍漫漶如到講堂筵几度我昔豐碑丈
尺算表裏隸書果徵實章句異同兼綜貫洪釋篇行記聘
禮今我諸經儼陳燦春秋嚴顏詩盍毛只少義爰象與豕
書云孝于復友于鼠食黍苗三歲宦近人板本據婁機追
想饒州簡初汗鄱陽石泐五百年中郎聽遠焦桐爨豈惟
西江補典故龍光紫氣卿雲縵方今聖人崇實學六籍中
天森炳煥羣言壹稟醇乎醇如日方升旦復旦諸生切磋
函雅故不獨瑀琢工文翰宮牆齋廡探星宿清廟明堂列
圭瓚鳳皇一羽麟一角琪樹芝華非近翫妍經奚必古本
孰樸學幸勿承師畔河海方將測原委質厚先須植根幹
越州石氏證蓬萊餘論何人續東觀摩挲小閣一紀餘甫

得南州映芹泮偏傍或裨箋傳詰參檢直到周秦漢脚躡
凝立語學官桂露秋香手勤盥

清泉亭

小縣臨官道江流曲抱城亭依厓壁立泉似長官清乳雪
巖花沫松風石銚聲倦游三十載爲我濯塵纓

登岱

兼旬潔獨始夙興霽色潤徧田渠騰壺天閣路十五里已
有涼樾來杉藤盤盤磴道左右折輿夫交側疑橫肱琅如
聯吟客語笑颯颯眾谷相然磨攝心直造萬物表莽蒼但
以一氣憑對松山翠轉面面三天門壁穿層層俄看突壓
大山影不知盡是屯雲升雲與金山浩呼喻膚寸之綠皆
雲蒸半日撐雲出雲上一瞰萬里山窗凭樽桑若木出檐

際大海積氣青光承徂徠左翼作階屺萬峯引帶皆昆朶
咫尺天經界垣座於惟真幸念庶徵歲維大和雨暘若更
切育秀於黎烝是日雲光纒絕頂瑞匝齊魯環萊登昔者
周詩魯簷頌箋疏詎寫高峻嶒後來李白杜甫輩但取神
秀仙靈稱發育溫仁體峻極處帝緯光華凝純乎生意
塞天地職司教養宜戰兢滿山松籟奏金石蔚藍細寫丹
霞激大塊文章視人領游聖門者誰能勝

同諸友小滄浪作

種菱占半郭與人闕三庚去年亦茲日倦言鏡檻凭微我
二三子孰偕鷗鷺盟襟搖半峯影槩劃疎蒲聲北來風雲
思南話江湖并中通蓮氣味靜喻山性情豈必蹇處士始
題海右亭盡得七橋勢以挈千厓青

二月四序周風雪月晨夕各有領要處獨未雨景得一角
猶斜陽千峯變水墨圓荷不受濡此響乃真碧一洗明鏡
空誰算秋影積千珠前夢悟仍是明月滴淵乎文字禪收
之坐跌息歸向石帆叩相與觀定力

黃文節草書太白憶舊游詩卷

魚子箋紙追零陵墨禪輪此有髮僧石耶戎州觀落筆張
通何似李展能歌羅驛舍一覺夢竹枝三疊鶻唳磨摩圍
峯下寂無物幻作怪石纏枯藤平生獨立萬物表豈有跡
象侔超騰電掣颺迴攝以息陰帥陽霄夫誰徵咫尺神靈
雷雨至處處迴向真源憑錢穆父言久彌篤豐人翁賦聒
可憎華陽樓入補庵鑒彭澤園擬光祿丞吾嘗手披祝老
記精楷不比癡凍蠅爾日來觀目爲眩亦擬草勢心兢兢

折釵屋漏豈二義科斗籀篆原相承不膠於心不名技尙
恐祝老非其朋三年匡廬我夢想太白吟處雲錦層谷圍
書屋索悅忽夜夜挑盡東軒鐙瓣香私淑吾豈敢一波一
策皆矩繩西江歸來又四載晤此真面寒峻嶒石田可耕
海可釣蚪螭驂駕雲濤乘始來吾齋尋宿諾木犀香泛茶
甌蒸黃龍山中三昧出銀河飛瀑禪窗凭

禮烈親王克勒馬圖歌

天東日出大海紅五色雲挂扶桑弓樂府誰歌迤萬里天
馬真見來從東禮王昔階大貝勒屢以克捷宣膚公葉赫
烏拉萬部眾瞻威烈摯且雄紫雲夾日近翊衛一家合
德襄丹衷恭聞所乘克勒馬摧堅陷銳皆當衝薩爾汗山
第一戰從古無此神奇功明師一蹶遂弗振二十萬殲五

日中此馬爾時倍趨捷出入厓隙千萬重每聞鼓鼙迅歎

鬣嘶起濤瀨迴長松至今軒皇教戰處礪谷嘯舞猶呼風

國語克勒謂棗騮馬阜青駿尾者

腹

閒旋毛鱗甲動耳夾肉角筋垂虹山前人指洗創處自跑

聖水春融融

此馬腹下旋毛如鱗狀或曰龍種也嘗以病

其高七尺修丈思想像精異還爲龍長洲汪琬爲作傳傳

後系語如褒忠方召周詩無異駟徒詠修廣聯車攻曹韓

之畫杜甫引曾何偉蹟來花驄此馬得遭此際會是乃月

馭星精從紙上熊熊氣起立俄頃蹴踏凌千峯國家得天

厚元氣人物篤起天所鍾宗親有王時楨幹王有神駿留

奇蹤譜入奎章慶隆舞陋彼六駿唐石礪詩成敢試點筆

響恐近瘦骨敲青銅

紀昀字曉嵐一字春帆別號石雲獻縣人乾隆甲戌進

士改庶吉士授編修官至禮部尚書協辦大學士加
太子少保諡文達有紀文達公遺集

詩話文達以學問文章早受主知乾嘉間凡大著作皆出其手校理祕書博綜羣籍才力宏富餘事爲詩不求奇詭而恢然有餘集中多華貴典贍之作中年謫戍塞外所作烏魯木齊雜詩百六十首韻節和雅無愁苦之音尤可徵其蘊福之厚

平定回部凱歌

喧喧簫鼓凱歌音半捲紅旗入鳳林曾是軒轅親教戰霜
天曉角尙龍吟

妖星墮地響如雷風捲陰雲萬里開邊月高高天似水捷
書一夜過輪臺

秋雁連天西海頭六軍回馬唱涼州擒王破陣須臾事誰

賦金闈上翠樓

故壘茫茫大夏城蘆茄吹作入邊聲
回頭博望浮槎地曾是西來第一程

饒歌一路響寒雲獵獵風生萬馬羣
行到來時曾戰地降蕃猶認上將軍

滿耳秋風入短簫黃榆葉落草蕭蕭
西蕃已破無征戰只向高原試射雕

赤土山前雪打圍桃花叱撥繡弓衣
風雲也稟天朝令滿磧平沙靜不飛

雕鷲飛揚大將旗提兵兩度上崦嵫
回軍卻過龜茲壘一笑當年李靖碑

勒石燕然莫更論且看走馬定堅昆
垂楊綠到其摩寺窟

止春光度玉門

多少降羌逐馬蹏芙蓉闕下貢文犀蕭關候吏如相問家在條支更向西

鷺翎長箭虎紋鞞歌舞還朝拜玉階今日方知神武略書生何用議珠厓

射盡鯨鯢海不波洗兵眞看挽銀河笛中一曲平西雅誰數摩訶兜勒歌

自題秋山獨眺圖

秋山高不極盤磴入煙霧仄徑莓苔滑猿猱不敢步杖策陟巉巖披榛尋微路直上萬峯巔振衣獨四顧秋風天半來奮迅號林樹俯見豺狼蹲側聞虎豹怒立久心茫茫悄然生恐懼置身豈不高時有蹉跌慮徙倚將何依悽切悲

明倫彙編 家範典 卷八十二
霜露微言如可聞冀與孫登遇

和蒙泉秋感

一灣銀浦淡雲流長笛簫條趙倚樓往日情懷全似夢頻
年飄泊始知愁風寒大澤魚龍夜霜捲長天雕鸚秋惆悵
舊來紅葉渡不堪重棹木蘭舟

讀小元和鶉衣子傳戲題轉韻

聲聲鷓鴣東風急瞥眼飛紅覓不及蝶衣粉褪碎襟裊香
魂猶抱空枝泣斜陽芳草誰長吟別鶴一曲傷春心手中
尺半鐵綽板鑄成曾費千黃金可憐破衲重重補不是尋
常春綫縷柔情宛轉引成絲百折千迴無處數纒頭十萬
酣春風傾家買笑甯惟公乞食落魄不自諱嗟哉兀傲眞
英雄聞有丹青傳好事吾雖未見知其意綠慘紅愁兒女

情天高地闊風雲氣

韓桂舫秋曹出其先世洽隱園三友圖屬題

黃神符已合元女圖先獻尙留榆罔憐方遒蚩尤亂秦隴
突鷗鳴中冀驚龍戰駭浪蕩沃焦妖星臨震旦數窮幽蘭
軒系贅靈光殿蟠井笑黃龍渡江聞白雁昞昞勢已危閭
馬權仍擅運方值百六險豈當十萬蟻穴侯王空牛角山
河換嗟哉玉馬朝悽矣銅駝歎誰知松檜林別有漁樵伴
薦早謝元長壽恥祝師憲潁水不事堯桃源剛識漢詩筒
自往還酒國時游宴四皓纔少一六逸適得半自詠田家
詩寄懷高士傳跡偶託仙佛心原游汗漫人往風已微畫
圖如覲面天外冥冥鴻落影瞥一見何人揮五絃目送煙
霄畔

十一月朔一日渡黃河

馮夷排浪東南流，偃蹇不受神禹囚。雷車百萬坻北走，平
吞氣欲無徐州。千里一瀉只瞬息，盤渦十丈誰敢投。顛風
橫簸浪三尺，篙師欲渡時還休。清河渡口勢頗斂，往來南
北通咽喉。我來又值十月後，清霜已降洪濤收。官舫推蓬
望兩岸，寒波猶拍長天浮。微風纔覺掠旗腳，高浪已駭衝
船頭。龍驤萬斛如一葉，敲側掀舞不自由。眾手捩舵呼邪
許，檣烏一轉回萬牛。屈伸臂頃已十里，瞥然何止鷹離韝。
桃花想見三月漲，瀕洞萬頃風煙浮。回颿脫手儻一失，咫
尺便入鮫宮游。區區忠信甯敢仗，所憑王命輕陽侯。回頭
卻顧眞險絕，微茫淮濟非其儔。九折東瀉自太古，蕩滌爲
患從商周。祀乙巳於耿漢唐而下日聚訟，捍禦至竟無良

籌書生每喜談水利，尸祝欲代庖人謀。世間萬事須閱歷，百不一效空貽羞。我今鼓枻旣得涉，且呼舟子趨邗溝。挑燈夜讀河渠志，咄哉紙上談戈矛。

夜泊吳江

已是銀蟾挂柳梢，纔收官舫泊塘拗。昏煙欲合孤城閉，遠水微明小港交。寒鷺多情時近客，栖烏貪睡懶離巢。玲瓏方塔猶相伴，一夜風鈴盡意敲。

富春至嚴陵山水甚佳

沿山無數好山迎，纔出杭州眼便明。兩岸濛濛空翠合，琉璃鏡裏一帆行。

濃似春雲淡似煙，參差綠到大江邊。斜陽流水推蓬坐，翠色隨人欲上船。

明倫彙編 家範典 卷之二十一
三
煙水蕭疎總畫圖若非米老定倪迂何須更說江山好破
屋荒林亦自殊

金碧湖山作隊看沙鷗卻占子陵灘武林舊事依稀記得
詔街頭賣牡丹

過嶺

大雪冪荒榛凍雲壓高樹衝寒上高嶺岡巒莽回互蒼然
暝色合四望疑無路迂曲得人蹤一綫微通步仰睇鬱嶒
峻俯窺杳煙霧隔澗見行人蠕蠕似蟻附高者木杪懸卑
者草際露前者僂而援後者聳而赴石磴滑屢顛林風吹
欲仆徒侶遞相呼十步九回顧慄然悸心魂失足愁一誤
側聞定鼎初狂童此負固桓桓李文襄轉戰寶茲處仰攻
彼尙克徐行今乃怖人生才地懸甯止恆沙數丈夫志四

方感激酬知遇仗鉞良未能叱馭吾其庶龜勉趣役夫去
去無多慮

朱筠字美叔又字竹君號笥河大興人乾隆甲戌進士

改庶吉士授編修歷官侍讀學士降編修有笥河集

詩話竹君少與弟石君齊名論者比之郊祁軾轍洎
入詞垣督學閩皖宏獎後進不遺餘力一時名士多
出其門晚居椒花吟舫問字之車日無停軌酒酣論
天下事自比李元禮范孟博雖浮湛史館未竟其才
然聲應氣求之雅石君不逮也詩初學昌谷昌黎五
言力追漢魏晚乃導匯百家變化劍闢神明於規矩
之外尤愛佳山水使車所至嘗再登黃山武夷攀蘿
造巖題名鏤石而後返故集中亦以登臨覽勝之作
爲多云

徐公驛

青駝二十里徐公嶺過半上嶺復下嶺驛馬中間換肩輿
不留行僕夫面已汗連坡盡荒草石田草中亂此閒山春

乾不雨常苦旱我行咨暑雨對此轉生讚幸茲梁菽收水
絕天與灌古人稱逢年用力必無翫更從悟強恕人喜我
勿歎西北風何來推送健雙胛下嶺亦不滑高高睇前岸
半城當嶺盡卓午轉村窩山勢收東國沙痕走大河田鋪
新雨足目迴捲雲多三日清江近扁舟欲放歌

天齊廟

天下喻吮背齊曰天之臍泰山地腹中出母兒初嘔長大
作宗子結蒂崑崙西後來祠東嶽廟額天齊題鄰故比琅
邪茲祀神則棲何時崇碧霞上元生羣黎又云古元女東
救軒轅迷災厄叩頭乞乞子搏沙泥此皆道士說奔走癡
耄倪幾令岱宗公舊次難攀躋燔柴則曰天升中禮青圭

感生靈威仰震帝出攝提經緯甚分明漢學人貳攜他家
反橫八陋語真無稽井談不見天誰爲撥雲翳偶來窺廟
門碑頽半節低捫碑不卒讀去去我馬嘶

駱馬湖

數掠馬陵尾右顧駱馬湖馬飲河腹滿有時吐其餘減水
壩在下出內河之梳亦如梳馬毛其行自捲舒六塘亦近
之通漕供倉儲賦艘來東南水櫃佐轉輸側聞廟堂上刻
石宏遠謨此誠關國計制用耕畜初粒粒豈易致守穀夷
吾書古人防菜色亦有非常虞運之川則利藏之倉勿疏
郭璞墓

浪飛打船頭回濺射江破我欲往金山郭璞墓邊過景純
昔賦江博麗恣頽挫爾雅與山經手注分餘唾或言鼉精

化人嘗伺其卧故老云入江下撼金山座出語山如蓮莖
小承蘄大此論雖誕絕形理妙虛課葬經亦流傳青烏家
倡和何爲埋水中骨肉自投墮當時樹閒巢贈衣刑卒荷
豈獨死後骸一任付泥泥俗說戒其子反語遭弄播又云
桴載櫃旋轉如水磨直下千尺安沙湧墓一箇到今成此
山世世仙可賀異說當孰主孤嶼天偶作游仙詩或信茲
亦疑冢佐

大定橋圯舟泊其下

三日望塔尖今朝竟過塔其里四五耳風湍憚磴磴丹樓
如霞書高義天地杳不暇一歷捫茫茫風鶴雜二十里陵
口石牛雙驢蹋奔牛奔此來幾年角折拉菱涉欲何往問
石石無答石忙牛更勞俗說浪噴啗人事類此多靜想忍

笑盃前行呂城鎮橋倒大定開秉燭柁其下夜岸喚聲而
似呼行不得崩石落眼確人生進足難寸步可許跋卽今
平穩處趨起險頻踏橋外逆水船萬纜堆螺蛤我舟石隙
過度齧愁聲齡天明試駛溜夾送煩雙龍迴頭出自窘無
乃喪我塔

虎邱寺

閻閻葬後十餘年越人發之但空冢至今虎邱寺法堂大
佛三尊儼然奉生時役眾人力耗金精下藏虎上壘祖龍
貪鑿更致虎銀池銅棺費太冗金玉鳧雁翔地中虛上寶
下謗詢詢忽化爲寺又千載法當枯瘦消臃腫如何吳人
風轉侈厥光如火豔錦擁萬賄畢致先廣閩百技爭陳到
偶俑空令四民間無職秉燭來遊織疑蛹駭心盪魄夫爲

明倫彙編 家範典 卷之二
三
樂六月不炎走憇憑必有饑寒爲受之所好在盡吾其恐
古悃幅吏久不聞眼中靡靡茲較重九州懋遷總貨寶一
郡輸之無乃勇誰其作者誰救之縱使佛來足亦踊遷延
笑顧應真虎惟爾不食故不竦

涿州道中

凹字城

十丈巖掀黃土坡一椽驛館晷騰梭會須顛項城凹字漫
說軒轅戰涿阿平世駝羅早罷戍

遼宋間駝羅在州東北

細流挾活

動成河日寒柳脫馳官道祇覺洪荒古意多

華陽臺

城隅西北華陽臺鎮日猶吹燕國灰名馬骨存金餅擲美
人手好玉盤來苦心竟就函頭計恨事空餘生角哀易水

蕭蕭風莫渡問誰置酒罰深杯

盧植墓

扶風經學授康成別有盧君得更精弟子終能蜀國王先
生早與董公爭周身單帛仍埋骨遺掾清醪漫辱名後日
紛紛祖勗偃勗爲南祖偃爲北祖一官未覺北方榮

酈道元宅

鄉驛剛違一日零樓桑邨近指酈亭故居尙可稽道縣地理
志係酈道縣久廢屬注云酈亭絕業偏能重水經狀景妙於謝客蛤搜奇
博比竇攸蹤卧遊幾卷珍行篋過此逾思地氣靈

瀛臺和高東井韻

人言窟頭穴地來子囚厥父天擊雷誰參燕軍馮老子小
喜肩比真輿臺何時冊子亦解讀田夫牧豎教一隈孔子

同壽共誇說吟詩臺尙河閒開我行過此問往跡不見茂
樹惟枯荻絕響克死所事說徒生見臣於人才咄哉景城
何其辱一夫闕歷九主回想其進身由宦者巡官文學初
淹該薦之河東掌書記眇龍領首低以徊遂直學士卧蓐
束戒體不毀美女胎羣帝崩崩我相獨宛然石戴土曰鬼
事晉事漢等閒事癡頑絕倒天不蓄佛救不得皇帝救艱
喜而北斯言階世宗真龍歷旻卯不諫忽諫當浮杯陛下
作得山定否其言不驗鳴知哀七十三死長樂敘謂無廉
恥歐陽哈四姓及契丹所得階勳官爵嗟榮哉子弟臣司
長夫父以國居賈何多財閒出所有賙鄉里驚此土阜千
秋苔獨不堪賦君子壽南山之薑北山萊

三歸臺

東阿

半壁出東阿三歸瞻道右管實食采斯縣更舊城有臺傾
但餘碑代古莫問叟眷彼仲父烈不僅桓公友從糾嘗射
鉤及堂始脫桎初薦由鮑子卒用類犯舅沐進重再三坐
問召可否生民四鄉恆國穀二分阜制用三耕畜經邦六
職受以禮乃得懷示信在不苟柯盟怒拔劍葵會責縮酒
君雖賜一級臣敢越二守遂極九合盛用佐五霸首閒有
遺書存頗爲史公取山高義惟峻地員文更糅廉恥天維
張勢陞土覩剖博與鄭僑競藝略姬公負異物委蛇識荒
說云亭叩餘憾朱楹侈微遭白水咎此亦龍服魚非比石
襲琇惜死留寺刁悔生縱朝婦雖然補石畫終是相木偶
才大風表海器小吉盈缶樂生書燕國葛公吟漢畝遙遙
名則齊落落人不朽天下如有意古來幾得手三歸傳論

語羣山此奔走晏儉不如己跼築烏能久偶過一臺下發
論千秋後

由定遠上岱山舖宿滁之大柳樹驛

大橫山界縣東南茲山正南亦其尾妄名以岱擬東嶽撼
山之宗笑爾蠃童草荒頂積潦蕨無一掬况復葺今秋
五閱月不雨著足囂塵扇長颺環滁皆山南人矜此居北
方亦太菲上上十里古禪林輿屨磨沙夫自啼禪林傍墩
日仙居石不解觸雲鬣飄下哉聊舍大柳樹樹忽飄零人
去偉五代用武藝祖來擒將滁門摧巨虺水何清清山徒
高歐陽之談吁優侏於今平世客偶過驛館几陳滑書棊
寒風一之日威發深夜逼人賦山鬼此閒且苦旱無衣歲
何以卒腓百卉去險卽平境則殊人子我餘得又幾館雖

不張幕與帷吾能飲乎醉樂豈

出太平上南門

溪南橫渡采虹坊三月南州春有光孤鷺平飛鴨水綠遠
林低襯菜花黃瑞麻石響遲洪氏時方命工揚姑熟帖諸刻懷袞樓虛
對謝郎小別城門略惆悵諸生一揖總難忘

柳山

隱士名全逸茲峯以姓名客從石壁出灘到柳山平草蝸
叫陰切厓花香晚清今宵山水縣月望望分明

山坑

山坑新聖亭我從唐塢來衣上溼猶雨輿底聲真雷人家
沿山邊青松屋上栽轉徑嶺成夾大江中間開江以雨始
大濫觴源斟杯出三天子都兩崖浸崔巍厓上短短松綠

滿疑莓苔雨刷沙入江刻露松根荄生氣自黏壁養以霧
與霾此松與此石得雨結之胎孤壁下落江徑亂行客猜
盤屈厓底樹浮草掛作堆竊恐雨不休無路緣石隈

龍翻石

亂山偪孤雷急吐吞九八峯峯雨助瀑洗石如刀刮石皮
皴剝骨流刀猶自刷萬千百丈石激落聲裂砢上石裂擲
巒下石禿剃鬚石堆霞徑絕水噴風聲殺遊屐百折到欲
上難戛戛興未盡反恨膝以上厲滑懸波信自誓緣山力
失拔土人陳社子矯過獯與獮負我躍浪泐度石犯齒齧
頷下鱗三尺出自龍噢喏試身險嬰物翻石名記札覆水
砑屢扼浮生穴自窺今茲度惡風神山眼察察回頭雲外
乘攜手娛娼媿

老人峯

翻身龍翻石招我立老人辛苦饑涎過飄若神仙身老人
昔扶杖曳竊摧爲薪鬚眉信甚偉毋乃曾避秦黃公與冉
里化石或有因不然穀城葬生死子房親我行揖翁坐欲
就往古陳白雲滂起谷忽失面目眞旁一老差小徐甲從
賄貧索錢吐乙符白骨支輪困頗聞七十菴所在宅隱淪
斯翁存巋然及見古初仁黃山朝朝海松長如桑勻松乎
海隨滅石壽逾靈椿

興自山左折行達碧雲寺

不徒而興舍小舸人肩上山之左秋風吹草草益深崔
巍石戴土坎坳坳之土沒深草芟草如割草行果土高
土低亂行腳十餘腳互草中跛苦尋芳菲愁羸靡強逐町

矐耐掘罍一峯纔下一峯上半趾剛平半趾頗雖喜孤松
作前導每疑碎礫其中叵我乎定志遊在斯塞翁邨知福
與禍三天都降九子陟無路吾游無不可今朝小試左股
夷何客肯爲前足裹忽焉土中出數石張牙齧人躍不墮
僧來指之過此閒高閣當空見靈瓌我遠見閣近不見喜
若捕蛇得珠顆大呼僕夫齊足力轉眼翠雲亭著我琳瑯
四壁照眼讀刻劃端莊間婀娜人來人去言空堂水後水
前送側枕卽看河邊山下路一窺蝸蜒平以妥我入險來
出必易頃刻冰心息觀火眼中敬亭已落手且乞蒲團此
兀坐

尋昭亭故址

卓午登山去欲曛昭亭路外看孤雲遺民猶說葉和尚古

廟莫尋梓府君羅漢記亡貞石泐繡毬花見異僧聞隱淪
託跡知何是唳鶴饑蹶幾百羣

當塗道中

冷風幾夕野成秋不覺生塵暑暗收石馬偶驚草隴鵲水
龍閑伴豆棚牛人行江外程初穩蟲語田閒歲已道早稻
十分晚稻九驛塗莫放酒杯休

姚家門頭舟行沙中作

方舟並鷺首飛鷁深浪破行淺受敵我發石幢二十強不
鳥翬翬蟲趨趨十月之朔水歸壑兩路沙堆一道激水激
沙過沙激水下者杯斟上杯冪一折爲水一折沙越陌度
阡舟所歷陸地行舟古曰冪非陸非水今始覲姚家門頭
沙橫絕土尅水出齒蹙蹙舟窮南岸改北岸中央高沙鋪

瓠壁繞之乃達小登陴插柳何人示之的舟舟銜尾彎環
前鯉上龍門額點威前舟得去後舟來我舟近前舟舟迅
十人推舟一棹簪簪沙舟登舟陷礫六鼇戴艦那可奪雙
鯨夾檣不自適力大負而趨誰呼一蟻盜之穿難覓繫繩
曳木握沙入人試髀沒豕涉躅舟前人短後人長兩人橫
棹舟伏撻傍舟幾人舟一動舟底沙開珠玑璨大珠拋撒
如沸泉細者如煙吹羃歷舟移步步人齊聲放轉灘光列
缺劈我坐舟中亦太閒百變艱艱觀以寂危灘親記閩中
奔惡峽空聞巴上擊偶然此作沙中遊飽食安過心莫怒
涼颭吹人向北行溷水舟流風惠迪沙舟不險亦不易聊
判吟成漏三滴

觀僧伽師塔書其圖記後

脫罪甯計滿船資韓詩不解吟憂呻嘻僧伽塔如人耆披
圖讀記我心惟厥疑忽失飽喪飢師初掃龍興寺墀正殿
不支荒壇遺乞五百千師曰唯時二比邱笑而轅師曰來
汝覩江濺樓艣歷浪人挽推搨帛抱貝陸輦馘其人彪發
馬則駭師呼若剽將安齋若賄水中焚自悲兵乎在頸賄
貽伊盜駭舉施師靡遺構殿數不遺一椽已而盜敗赦獲
夷來膜拜師去伾伾師活我豫且之龜見如茵支塗麻脂
昌黎詩之送澄師師來西天竺臧陝何國何姓師耶誰賀
跋元濟乞鄰比此舍古佛棟與楣普照王像爲之尸掘碑
得像觀者吝十一面現真牟尼塔初建泗覆裡蘊金色寶
相築土飾師指蟄龍懶儼儼神告列缺逐以甕甃櫛出指
裂飛髻手瓶擲裴妻盱睢卧者起趨自褰帷齒痛丐飲巨

石獅子母不藥哈唳唳有疾曰癩師蹙眉維楊及柳灑之
綬沙鑼斬予水汝屍婦脰有繩口齒肌索畢侯扇波猶砥
知悔惡鬼現善姿行矣白衣人來遲五百尊者鐵胼胼出
井師代衣蝕落萬迴遭師恭且寅曰觀世音救瘡痍師心
在泗喻日葵化臭而香塔如錐頂珠光鬪龍躩踞火師不
壞眾涕洟毋令水作人鯁鯁是匹禹鎖亡支祁鎮此淮泗
留民彝以佛法度悔可追前年風絕塔冠綬唐人寫經飛
若鷗環泗兒唬惟師私破柱兀立功何不茲聞我來雨涔
贖塔汨沒水師持維我何求師禮阪既目知見師心知悵
李邕碑沈孰諛詔披裘水邊淒俗絺我思據殼食蛤蜊

贈洪稚存歸以壽其母

洪生才如矛決刺快棘種從我我來南得子色已欣更有

黃生奇猿骨鶴之筋二生於常士兩扛龍文斤我偕犯天
都虬虎啗鵲齧試身爭自誇告我歸慙慙曰余有母在登
臨省當勤生母年六十抱節鞠汝懂汝父行我書母之節
斷斷生行顯彰之有待曙欲昕成就棟與桷始見泮一芹
學之博孝備理順樂且訢吾不爲卮言歌慰子請殷

登蓮花峯絕頂見雲城之異歌以記之

江南山山曰蓮華坼裂齒蒼名妄加九華華開瓣亂放餘
者一片或一丫歛蓮華峯得蓮性一莖通理抽天葩黃海
中央擢秀上交合沆瀣仙杪芽我摩天都右脇過玉屏風
上行些些翻身蓮華溝裏入坎窞一脫血肉痲清風推我
石楞寸魂魄不墮喉獻政老子爾立我欲坐上蓮華嶺聊
趺脚此閒來止丈萬萬仰看峯自飛雲遮從奴健足一鼻

去顧我瞪廢如瘋痲我口語心心語足上也不能莫欲罷
平生好奇靈境卽甘心豈顧身參差崖月生霸石飄望躡
其睫去臨谿衍二分側屢倚巨石野菊豔豔媚蘂荏轉股
亂莽水溜走一推三卻崩浮沙巨石打脛折不得靈氣勃
勃騰騰車我勇初鼓洞門得肺腑示我相向誇俯身狂喜
折者再妙香心沁不敢邪三幽四曠里那記每入而出躡
蹻且必有怪松刺守戶鱗蒼鬣鬚衝人拏亦知蓮質本空
洞藕絲斷續緣穴斜的的穿房石結蕙撐撐飛仄其葉遠
行乎無怖闖靈所洞窮壁立百丈賒五內已灰壁見趾導
者躍上爭猱猗青布兩疋結縵下挽之亡命犯石牙盤躡
天海觀歎止並厓溝夾支機查樞襟聚足風掃級前踵見
布以手抓浮生竟上蓮花坐石尖圍我中尊汗盈盈香砂

蓮氣一天風盪目彤精佳須臾上界青廓廓四周億萬環
闔闔女牆一髮壁淺碧鵝黃驚赤重重霞色有五莫辨孰
正萬雉立築三足鷓山靈借日示我影失笑脫屣忘吾家
芙蓉之城此豈是本來清絕甯忘耶左顧天都平眺往蓮
蕊采采蓮船剗諸峯出沒白雲下繞城色界天無涯前人
但說雲海異我獨遇此歎且嗟細書頂石詫好事去去百
步雲梯遐

覃溪前輩以詩附粵東金石十餘通見贈且索余安
徽所拓石本依韻奉答

歸來何事從清話酬酢陡增金石債蒲牢難跡鳧氏鏗
窅堵易讀陀羅唄

言鐘文少
幢文多也

先生示我粵東略開拓海濱出

湫隘我搜皖歛萬山中呂取報與渺一介百涉錦江厓漫

滅三觀雲海天荒怪欲問唐銘泉獨温

湯泉舊傳有唐李敬方銘偏見不得

爲蛟所壞久矣

會尋秦石松同拜

余庚寅過泰山訪秦碑山中人云與五大夫松同毀于己己歲

三天子視五大夫一字不著遊哉喟所賴癖嗜無空過盜

竊靈山飽蠹壤溜痕炙影辨文字不畏秋霖趁午曬府州

十走拓三百公然著錄歐洪派頗學鄭碑生逐波敢比揚

書死爭芥先生欲之豈交易人弓未用論疆界竊疑鼎考

太高高博古圖中圖象董鄙人陋守小篆後楚宋相遭嘻

甚憊請獵北邙掃狐兔刮磨窆石慮駟獯不然夢上漢金

莖刻畫猶濡古沈滢姑妄言之妄聽之娛目當前取意快

已或暫得奇相欣好之所聚遠亦屆破空句不假海月倒

披文要符山籛方將求益恩先生切莫故人呵菜賣

九月十三日約王懷祖史文量陳梅岑何數峯及姪

玉川爲西山之遊

涼風吹蔞蔞萬片落何忍天香在其中落悲華又稹獨我
閉門觀妙理閱無盡西山翠峩峩邀客發連軫載者雙玉
人蓬髮泣雲鬢吾家亦有駒駿足絳軸勒日宜縱之遊相
索氣淒緊山中客素衣涕輟領遠引我更王生俱先後出
郊眈此遊信清絕秋意刻肝腎寒流經盧溝日色淡嶷嶷
土囊一折去翠嶂排鬪鬻吾徒亦何嗜塵想暫泯泯入夜
山月空心曠無一窘擁衾茅舍間寒映或聞斷

五月十四日得石君自清風店寄詩明日逆之廣甯

門外和韻持示

聞聲思爾遲榆轂隔夕濂瀼路如沐得書子憩清風騎呼
羣我趁盧溝驚江南去已五年憶山右歸仍千里目固知

誓已甘芻藜未免看人苦
筮朴奉盈自料不喪七
竭誠人說能求牧天教
車馬役休休日向陔除
光昱昱握手今朝喜動
眉觸緒中年痛入腹殷
勤須惜雨兼風閱歷都
平笑與哭官共還鄉且
復佳老始讀書不亦惡
庭中草木君當歌郊迓
先傾一斗漉

舟泊牛頭塘與客登牛頭山飲於李花林下有作

五六石浮灘如蘆舟觸石過微作聲榜歌忽泊牛頭下
牛頭寺記唐天成何年寺廢判作墩不敲鐘磬惟敲鉦五六

里前石址在水口村近詩徵程

宋程師孟詩牛頭寺裏千峯月水口村邊萬石灘則

寺在此處也

李花萬株壓舟落包裹古戍墩中盛此間老兵差

不惡中郎未似大阮呈會須廚酒數斗飲醉倒莫讓前人
名徑持壺釀上巖峩輓沙試踏行跲跲幾十步折拗石齒

花叢身入甘嘗錫玉林果苗玉山上翠壁當面紛開楹敷
茵班草眾香拾一莖折得馨奇羸碧溪下浮花氣潤仰看
冰掛路與瓔擬梅瓣小枝較媚怪雪花似天逾晴飄然片
片落杯酒花光吸口身爲輕長姬香御豈眞侍青峯黃蝶
紛來偵奇山勝水處處有良游誰坐花爲城諸子名流竹
林數醉翁媿我好爾誠頽然玉餅盡轉醒茲遊樂矣人人
傾起遲日斜山出水一掬手洗波盈盈松重竹複扶去躅
他年憶此百繞縈古人有語戀魂魄江月老我誰孩嬰逢
花不飲信非達難得花境如茲清李花不言應許我永與
花致無涯情

游玉華洞用四十四有一百韻

少癖購羣書玉華洞志有詫人古洞天飛走絕跡瓜今茲

過將樂使者軒乘轎主人候紫氣止我具繡糗君姓自仙
李客主齟誤齟我樂從君游楊祠謁北阜

龜山祠在縣北門外

入城

更出城三華橋水瀏舟挖其里十籐嶺一髮臥會仙真拍
厓漱玉或遺鑿兩亭誰所作接引佛我誘禽舌譯客來古

記謂之鳥

時聞百舌羣鳥

土人輿燭洞一扇風颭颭繡毬踏蹴鞠

弋繳難收舸霏霏傘假客仙羊初平趣旁有貓卑伏敖者

駮啣喚應真十八軀倒挂示殤丑蒼龍漭出渤爪弄角蚺

螺巨象披毳毼四足一鼻欲側身瞰螺旋蜃蠃億蝦蟇仙

房在其間牀幄繫綸綯別有小仙房嬰綳腳絆繒昫昫古

仙田潔蠲勃與洩疊畦墮陳根莠茁亦不藉闢耕宛則之

重泉灌秬秠五龍下水戲譚舌吐腥穢錦江鯉上水涸凍

將鮪鱸蓬萊翠疊疊仙人放麋麇闕爾不可測雷公面醜

醜舍之抱琴腿一寫思鬱憐鷹隼立目愁羊肚燻其餽下
垂就乳胸心惻無子犒虎瞪兒耽耽虬貓小更醜伏地獅
鬚鬚破石爪翻蹂何人雪深醉滴滴釀啜釀我命笑稽生
不乞石髓滌鼠巧竊綬桃仙遺狡犬守雁門雪掌落藥箱
凍乾醜瓊樓玉宇人醋飲諸父鼻撫席或問丈長夜酣相
侑天平柱與鍼平直寔地紐冰柱劉又死帽石彌明朽眼
前句敢道荔支饒手捫風吹蠟炬淚生不化先怨雪立陳
公背陳死人久久鞦韆孰翻身雪窩几孰授八人者胡集
斗魁匡隱栗千巖又萬壑障運劉侯肘幡然寶蓋懸覆此
籤鏗樞厥子拜展墓茗酒次列盍美人姣珊珊白皙不槁
疔一柱天爲支崑崙銅揭摸吹吹金蝦墓靈龜飲氣壽儒
釋道三家天垂象人佑蒼蒼其視下熾哉淑乎攸達摩無

文字無江渡無咎鼓子叩則鳴承露盤瑩琇元武立若神
蠶叢石背負闐然仙人搨刻石至元手更捫宋墨書剝洞
聲謫謫歲乾道丁亥借僧兩勸首入穴平崎嶇千載吾聞
聞爰眠普陀巖蓮花五緯啁燕燕歸其巢白玉屏瓊玖鍾
離權呂巖祕授魄鍼灸鸚鵡鸞環大小獅欲趨犀何望
而翳玉飄小竹颯躡躡躡躡跛鼈睨漾水鴛非鷓玉龍首偶出
仰面孫升脩白玉蟾何嫉兜銃仙門散石龕上石鐘鈞廣
樂成九邨稚小磯擲鏗響殊擊缶沈吟軒轅張禮樂天地
傾仙柳下土傳漫天幕羃廖竈盜儼人宅真靈此薪煇白
狸敦橋邊蹠蹠彌勒右布袋向我哈明月落江吞毫光閃
金星十二乳一卣酌之拜觀音像胡恆作婦世間男子子
不悟中黝黝蒲桃與核桃剛柔婦用帚何處木魚響七層

樓糾夢且拾紫芝去葫蘆門罩醫投壺與登塔手足若我
揉隱隱夜欲曙一瞥火滅燭此時心墮螭莫問卯與酉人
生夢有覺子午穴王鮪適來春水辰卻看秋月丑四更漸
五更半輪隙光受忽悟詩云葩月出歌舒優五色霽與卿
側趾無底湫升天色非元入地情無愀敞菟夜何其窳牛
鳴恐磨石像前小坐錦段蒙牝服福地我帷車淺斟此可
酒我遊名山夥石怪幻夜圍如何夜又月媒我若人囹神
仙非可學金丹徒自痞鼎鑪更迷塗出洞原自曠奇哉竊
猿游略撫壺中鈕何當常常斯聊別謝吾友

湖坑道中

衝泥三日僕夫僵霖霖遲遲十里長圓嶺嶺呈偶剝塊方
池綠浸未分秧雨深雲在晴非碧潦甚泉翻沸若漿間惜

明詩彙言四卷ノ十二一
機身清幾丈不陵絕頂但依牆

去汀州重過新橋

小住汀州山可觀致佳秀色亦平寬稻秧未插風繙帛松

宰剛萌煙弄丸

南人呼小松爲松宰

雪嶺石痕驚北壁

大雪嶺汀水發源經新橋

南入

汀流水勢認南湍新橋人說茲分溜直走潮陽向最

端

打鐘嶺

徑過危亭直下衝焦原側足亦能容鶴唳入夜知連樹虎
跡侵晨候打鐘厓險強祈千磴稻泉高易計十年松客行
百里斜曛薄山色貪看不厭重

出山

曾快重登黥頂客又參末席幔亭孫偶隨九曲萍荑質若

記千圍枰樹根游意凌雲前後海客軀換骨十三門人生
脫屣談何易歸去收身且蟄存

茶洋

略過危嶺入茶洋面面危灘繚短牆柏亂梅花球未落石
驚龜殼蛤堪嘗奸窮怪變平知好冲澹蕭疏妙欲忘一葉
落紅飛竹轎拈來莫似靜中香

卓阮

緣溪忽折儼蓬舟鱗瓦通橋妙略收幾日砂楓辭峽裏一
巒煙竹記宣州卓阮棟子懸如鏡福院蕉陰碧過秋縈繞
何堪情緒亂莫教好景又盈眸

七星橋

迂道層雲指石門橋過七里七星存隔年灘髮青如滴傍

柯山桃紅欲噴更與試巖償往度似因躋勝認斯村武夷
小小親來別莫做精神心自捫

楓嶺出福建界

頗怯南畝戀朔空未知歧路卽西東
蚋螭斷灘中石礫璨砂希嶺上楓
晏歲何堪層嶂別早餐略耐幾竿風
故人躑躅炎雲外我自加裘憶爾同

宿七里灘寄石君

客意清冷歲向闌難忘過嶺碧兼丹
日嗟子季三山署可計年除七里灘
雙鯉夢中各自媚一宵江上若爲寒
謝公行處吟都索更作春來池上看

晚晴移詩匯卷八十二終

晚晴移詩匯卷八十三目錄

王鳴盛 二十八首

王昶 二十一首

錢大昕 十二首

王又曾 二十八首

翟灏 十首

晚晴移詩匯卷八十三

徐世昌

王鳴盛字鳳喈號禮堂又號西莊嘉定人乾隆甲戌一

甲二名進士授編修歷官內閣學士兼禮部侍郎降
光祿寺卿有西沚居士集

詩話西莊長於經史所撰尚書後案十七史商榷
衛編諸書皆古今不刊之作西莊爲詩少宗漢魏盛
唐在都下見錢鐘石齋心餘輩喜宋詩往往效之
悔復操前說於明季李絳何大復李于麟王元美
陳臥子及國朝王貽上朱錫鬯之詩服膺無間論者
謂以才輔學粹然正始之音西莊爲沈文慈高第弟
子與錢竹汀王述庵惠定宇交最篤名亦相亞其詩
博雅安翔斂才就範耳西莊嘗論文章源流謂詩以李
義山爲最將盡改生西莊之詩與義山絕不類亦猶白
老矣慶無及案西莊之大相逕庭而白公乃亦有再
天長慶集與西崑體大相逕庭而白公乃亦有再生
爲子之說所謂文章千古事得失寸心知也

小孤山下作

解纜溯層波夕宿逗沙岸亭亭見孤峯獨秀中流半陽崖
倚巉巖陰岫屢回換半嶺微徑分參差更堪翫離離青松
陰厯厯白石粲樓臺相蔽虧金碧窮照爛氤氳嵐彩明杳
靄霞氣亂髣髴神靈雨東風一飄散湘妃出鼓舞漢女時
游行光景未易逢解佩徒深願悵然遲暮心重起越鄉歎

虎牙灘

前日過銅柱今晨望虎牙性命付孤舟急灘紛若麻江束
湍漸怒轟轟走鳴沙亂石森牡齒揭天虎口呀懸流觸石
轉百折飛浪花有時噴淖起水石相銜舂斗轟一間屋盤
作千尋窪俯愁裂坤軸仰見側日車偶與齋俱入便闖籠
伯家柁師工撇捩凝竦不敢譁狎恰已出險身手良可誇

梳鏡步頭艤旅鬢悲髮影飢寒真有力迫我輕三巴

金文學

啟南

招同錢編修

載

韋舍人

謙恆

謝編修

壩

吳舍人

煥

錢贊善

大昕

家舍人

昶

游萬泉莊

九十春忽半枯坐成書癡金生來喚我今日花朝期城南
足煙景斗酒聊可攜蘆塘可游釣苔磴可攀躋何苦擲心
力鑽此故紙堆拋書笑絕倒此語良復佳撩撥我狂興破
費君酒貲迢迢白紙坊漸少塵侵衣錢錢右安門出城行
長隄山水我故人數載會面稀今晨喜相見翠色浮鬚眉
雙輪簸復停殘夢醒復迷恰如撈子船搖兀翻忘疲行行
三四里道旁見殘碑感彼柏下人學仙冢纍纍稍南又一
冢長生道院基亦有仆地石模糊剩銘詞曾聞神樂觀舊
隸太常司云何列卿銜乃畀黃冠師始知明中葉稅政日

以滋回首陵谷遷剝落螭與龜惟餘濫泉聲遙和松聲哀
飲馬投一錢驅車向前陂西山疊嶂繞懸瀑跳珠璣散成
萬千眼處處波濤洞此地林壑幽洑流互逶迤或圓偃如
月或方楫如珪是萬乃強名其數孰細推昔爲鵝鴨所游
人不敢窺今茲盛亭榭縱橫插芭籬猶記祖家莊妙絕漁
洋詩莊雖數易主水木仍清暉入門乍空曠汪汪數頃池
略約繚而曲池水清且漪春雪煥乍融輕冰解流澌東風
吹綠皺蹙作鱗差差蕭寥洲漱外蘆荀生未齊白鳥來何
心翻飛雪攤樵土山遠多態岡壠分屣屣亂篠戛琅玕雜
樹紛間之登登步高下一步神一怡邃館與涼堂竒篠連
廊移亦有卵石徑亦有郵局畦所惜來太早髡柳尙少稊
何況紫丁香朱藤黃茶蘼我儕樂閒放不在繁豔時愛此

荒寂景轉得一段奇攀枝踢闌徧乘興尋招提像設妙莊
嚴利竿矗歲魏蒲牢吼如牛也復明代遺鑿名字天斜大
抵皆闍兒奚奴頗解事行廚咄嗟移招要入林間栲栳坐
水湄自詫酒腸寬飲若灌漏卮坐中六七公同里數辛楣
若論相識久老錢及瘦韋我兄近逃禪吳謝各不羈獨有
賢主人乃是新相知樂哉今夕會醉起爭留題試待紅藥
坼重來問豐宜

烏石灘

灘聲欲驅山山勢欲束灘水石本無情相觸因成喧悠揚
止復作決決還潺潺靜聽恍有會天籟非人間梵唄流寒
空風松響層巒有時急瀑來一瀉雲濤翻不知水何猛磨
得石盡圓磊磊錯鵝卵其色黃朱殷或作大篆文或作古

錦斑篙師與水鬪，舸舫泝驚湍。石滑不受篙，尺寸進轉難。
平生斂退心，葦間每延緣。好語慰篙師，且讓鄰舟先。

仙霞嶺

五里到嶺腳，十里繞嶺腰。三百六十盤，盤盤上青霄。危峯
插高空，細棧緣秋毫。前趾壓後頂，首下尻乃高。崖傾礙飛
鳥，石滑逢墮樵。登頓屢旋折，謂已窮山椒。峯迴一仰睇，絕
頂仍迢迢。振步攀其巔，目眩神爲搖。一嶺植如蓋，眾嶺羅
周遭。仄陰障羲娥，絕徑悲猿猱。不知路何從，但覺呀巖崿。
密箐叢修修，頰桐間紅蕉。飛流挂木杪，晴日舞素蛟。茅庵
嵌青壁，瞰臨萬丈坳。俯窺落深井，結構何由牢。獨立望歸
雲，天風颯飄颻。

游雞籠山

白露淨山氣，島風吹衣忽。已躡空曲巖，下秋鴻飛石。缺響難聚木，長天下垂入。深不知外履，曠忘所歸冥。濛過蘿壁見月還，疑非其下發。鐘磬徑轉聲，依稀無心境。屢得探奇情，靡違始悟澹。泊趣獨倚山家扉。

村舍坐雨簡鄰翁

孤村氣蕭瑟，幾日雨昏昏。野水亂侵岸，谿雲欲到門。數家依柘影，一徑積苔痕。賴有忘機客，翛然共酒尊。

三峯精舍

山徑緣遙翠，微鐘度遠岑。寺門一水曲，殿角萬松陰。花雨諸天近，曇雲古洞深。好參黃蘗義，半偈淨塵心。

重過崇壽觀贈徐羽士

籠鵝憶往事，放鶴此重來。小別三千歲，碧桃花又開。丹還

駐妙景雲冷卧香臺清淺蓬萊路麻姑日幾迴

蘆溝橋

卧虹終古枕桑乾泱泱渾河走急湍馬邑風煙通一綫大
行紫翠壓千盤喚人喔喔荒雞早照影蒼蒼曉色寒沙際
閒鷗應笑我又聽鈴鐸送征鞍

同沈侍郎暨三吳諸子集蔣君塔影園

江關蕭瑟意何如風雨招邀索居自昔酒人多意氣論
交名士半樵漁洞庭落木清霜候吳苑疎碁白露初後夜
河橋吟望遠含情好爲問雙魚

述感

渚清沙白偶登臺城闕秋生夕照催醉裏高歌雙鬢在愁
邊畫角數聲來側身天地長爲客抱病風塵孰愛才卻憶

故園三徑好扁舟須趁早春迴

贈尤水部

安林

回首冰霜絕塞行謫居翰墨有餘清
留連風月皆忠孝揮灑才華本性詎
止芙蓉映初日直看碧海掣長鯨
一編細把鐙前讀病眼摩抄分外明

尤水部載酒招游鄧尉探梅

谿雲林靄望中移曉起推篷面面奇
閒客正宜無事飲幽花偏愛半開時
水邊煙動浮空影籬外香來露瘦枝
最喜謝公吟力健芒屨更擬續前期

夢游岱嶽歌

我志窮十嶽身佩真形圖汶陽道上縱遠目
突兀岱頂青模糊魯酒若琥珀絲繩提玉壺
解鞍卽醉倒偃卧胡姬壚

天風飄飄浮絕磴導我忽轉松蘿徑蘿徑逼高寒蒼蒼十
八盤漢策闕古字秦松瀉哀湍振衣便覺凌紫極倚劍真
欲生飛翰穹崖濺瀑多殊狀決肯已在層霄上碧霞四氣
拱星辰青帝五雲開嶸嶸嶸嶸嶸嶸嶸嶸嶸嶸嶸嶸嶸嶸嶸
縷生安期一笑相逢迎如瓜之棗出啗我驂駕白鹿空中
行天門誅蕩日觀龍嵒河流挂樹海色搖空蒼煙九點望
不極合沓下見扶桑紅銀臺倒影火輪出驚回清夢仍相
失風馬雲車乍有無丹梯翠壁看明滅應劭記李斯碑平
生懷抱空好奇餐霞鍊藥不早就坐待蓬萊清淺始悔朱
顏衰風塵回首驅征鐸惟聽霜鐘殷巖壑萬里終當汗漫
游十年肯負煙霞約

任城李太白酒樓歌

任城酒樓高入雲游絲飛絮何紛紛竹谿六逸今安往斷
碣蒼苔蔽榛莽汶水東流去不回徂徠秀色空森爽紅泥
亭子赤闌干當年豪飲來盤桓沈香牡丹看不足騎鯨徑
去埋青山我向東門游登樓縱高宴魯酒白玉壺不用金
龜換醉眠衣上斑斑紅幾點春風落花片我無謫仙百首
詩興酣一斗頗似之鸕鷀之杯葡萄酒何當喚起同醉樓
頭月

雨泊江岸登天門絕頂

我從南楚浮歸舫中流浩蕩乘長風布帆高挂似飛鳥飄
翩直指天門東插江翠壁相對出遙見突兀青濛濛削成
疑是巨靈掌移置定出夸娥功須臾雲起飛雨集白頭怒
浪掀孤篷舟師相呼入浦激繫纜急傍菰蘆叢興來便攜

九節杖思縱遠目開心胸潺潺絕澗蹋亂石層層仄磴攀
枯松振衣千仞發長嘯驚起鷓鴣盤高空峻嶒兩崖勢忽
斷岷濤萬里流當中始知楚關此天險屹立一鎖洪波衝
是時陰霞散晚霽江光隱見磨青銅欲從牛渚呼謫仙吏
向青山懷謝公東望石頭互虧蔽迢迢天關排龍嵒興亡
六代付逝水人寰刺促悲安窮終當挹取玉漿飲上吸倒
影騎飛龍

江郎山

江郎秀甲東南區蒼雄奇峻清而腴藏深伏隩闕幽勝地
僻終古誰爬梳有如世外隱君子遠離朝市潛蓬廬天公
好事欲洗刷遣我拄策來追摹太末城頭斧柯爛煙嵐回
首迷三衢突星獅石並巉削登登一徑穿篲輿俄瞻佛羸

帝青現蒼茫翠靄侵衣裾翔鶻舞鳳羽翮奮渴鼉怒鯨鬣
鬣俱罔巒橫側各妍妙金光黛色齊紛敷就中一峯勢更
斗積鐵壁立愁猿狙凌空跋起五千仞旁無依倚孤雲孤
須臾孽開兩丫髻雲風對起雙吹噓峯迴路轉態又變分
作鐺腳交撐扶詭怪恍惚不可狀看來面面形模殊尖如
劒鏃出稜角屹如筆架攢空虛如翹瑤簪卓玉笏如插碧
筍抽犀株如擎金盤露指掌如排翠蓋翻芙蓉羅浮風雨
乍離合荆巫十二相縈紆池陽九華疊跗萼匡廬五老軒
眉鬚域中異境數不盡瑰瑋變幻茲不輪山坳小憩靈石
廟斷砌翳蒼飛颺颺端然像設多好相雲璫霞佩衣五銖
傳聞江家三兄弟于此鍊魄同躑跖功成堅苦化三石乘
風御氣三茅如只今空濛煙霧窟瓊臺璇館仙所都雲中

招手一回顧似叟非叟
姝非姝參差伯仲肩背接左提右挈
山澤隴古苔斜冑綴纓珞壽藤亂結垂珊瑚
陽坡叢筠間秀木清廳徐送吹笙竽
瀑泉幽澗瀉盤石濺落匹練跳千珠
墓頤決決灌村疇竹篔簹通香廚
人家寂歷散高下架巖構壑勤耕耨
日汲玉泓餐蛾緣所恨生長不讀書
我謂如許正不俗免教凡語名山汙
把茅蓋頂會有日谷可以退谿可愚
仙壇閒把落花掃不知仙翁許我無

游白雀寺登弁山

吳興清遠富山水昔游所到惟城南
平生賦命縱窮薄尙愛秀嶂搜名藍
清茗入手又蒼弁志在盡取夫何貪
凌晨出郭路詰曲古松喬立泉成濺
丹梯翠磴寺門內入寺始得尋峯
尖聖師談經雀繞座千年大厦仍
耽耽香廚竹篔

引遠水金函藤笈開圓龕居僧栽田免話墮久廢椎拂無人拈參禪未能且選勝振衣步步凌巖巖望湖亭子一放眼具區萬頃寒磨奩茲山形模肖冠弁峯少斗削多包含竹光照地作紺碧禽語喚客何詰誦一峯突如乃弁頂躡嶠徑上攀雲嵐泠泠御風洵可樂盡洗芥蒂胸無嫌側聞黃龍洞奇絕道遠未得窮幽探何當裏糧住一月還乞佳處留團庵黃精有力掃白髮芒屨便擬攜長鏡

江灣舟宿

窮陰不覺暝遠岸繫輕舟雁影霜天月蘆花海氣秋燈殘搔短鬢酒盡攬征裘欲問蘄王迹寒潮咽暮流

小市

小市黃茅店孤村白板橋停驂成一宿客思最無聊易酒

明倫彙編 家範典 卷之二十三
偏難醉燕歌漫獨謠故園梅蕊發歸夢入今宵

天門

白浪天門斷千崖杳莫攀登艦一長嘯遙見謝公山我欲
浮湘去行吟楚澤間今宵對明月把酒慰離顏

秋感

江近涼風早樓高野色閒秋聲先在樹雲氣不歸山雄劍
封塵匣新霜點髮斑蕭晨感淒緊獨坐憶鄉關

夷陵遠望

古戍標荆塞危城見蜀津雲移三峽暮江接百蠻春行役
何時已音書總未眞登樓欲有賦感激獨傷神

春盡日送同年平太史

聖臺歸浙東

周南滯迹久同稽把酒津亭忽唱驪醉裏人將春竝去望

中天共水相齊禹陵洞穴仙官守越國山川謝客迷鑑曲
敢言煩特賜鄉園隨處得攀躋

秋風引

秋風一何怒吹折江頭樹寒衣猶未成風莫向耶處

清樾館

竹色如我閒松風與人語山靄入空簾流雲自飛去

西湖葛嶺有嘲

忙裏能閒號半閒相公胸次本來寬襄樊失守成何事不
抵秋蟲勝負看

王昶字德甫號蘭泉青浦人乾隆甲戌進士丁丑南巡

召試賜內閣中書官至刑部侍郎有春融堂集

詩話蘭泉博學善屬文詩兼宗杜韓蘇陸不名一家
早年從沈文憲游與王鳳喈吳企晉錢曉徵趙升之

曹來殷黃芳亭稱吳中七子名傳海外在京與朱笥
河互主騷壇有南王北朱之目洪北江評其詩如盛
服趨朝自矜風度所至提倡風雅執經載酒戶外屢
滿嘗從征大小金川磨盾鼻治軍書不廢吟詠前後
九載乃還所仕家居凡十二年富金石書籍所著各
雄奇之作致仕家凡十二萃編
書流傳最廣者爲金石萃編
湖海詩傳幾於家置一編

晚登崑山過泗州塔院訪二陸讀書臺

撫序屬蕭森絨情慕婉嬈迢迢谷水陽嘯侶愜微眷塔院
蹟未湮書臺勝堪玩永懷南國紀似媿東曹掾成都誤因
依壯武枉論薦遂蒙酪奴譏終軫鶴唳歎榻來奠萼羹蘭
植信幽贊徘徊弔古餘畢景下叢灌從知才患多庶幾性
能繕

雨後同斗初企晉來殷過支硎山寺

杳杳白雲合空山欲暮天青松滴疎雨碧澗響寒泉風度

竹房磬鐙明茅舍煙愛看林際月流影照溪田

同門人楊星標

懷棟

吳廷韓

玉綸

游佛峪

斗柄在戌寒始威荒郊草木萋以腴騰騰曉日明晴暉相
於二子馳驟駢鑱天山色橫翠微鳥道詰屈人迹希路旁
枯柏莽十圍山鳥驚覺鳴且飛閉然野寺開雙扉青紅古
佛長而頽畫壁荒怪無是非山僧迎客病已瘁香積索寞
纏蚺蠍瓦盆麤糲聊充飢寺後奔瀑懸珠璣迎霜野卉猶
芳菲古碣突兀依林霏字畫齷缺餘如稀新碑芴立森崔
巍厥辭怪偉無刺譏

碑文廷韓所作

落葉颯杳飄秋衣游興頗極

振策歸嗟哉勝地空依稀安得卜築來耕畿

別趙上舍易叔

大經

三年別鶴不勝情又賦分襟百感生花落湖橋同載酒春

陰官閣坐聞箏煙波歸權吳淞遠梧竹殘宵楚雨清他日

京華相見處對牀敲枕話蕪城

時易叔將入都

湖中晚歸簡齊侍郎次風

召南

杭編修大宗

世駿

杳杳昏鐘隔浦清夕陽欲下斷霞明鳥歸疎柳禪燈上人
散迴塘釣艇橫雲樹蕭疎藏野寺煙波迢遞繞江城習池
不共山公賞獨對寒流待月生

自大勇溪至清浪灘長四十里上有馬伏波祠

天公欲游戲駭此遠行客截彼浮雲根擲爲撻水石高者
蘊尋餘倭髻亦數尺大或徑連畝小乃展片席摺疊類衣
裾剡銳等圭璧行次別堂斧合離成蜀嶧統統三門開浩
浩九達闢橫磨十萬劔一一與水敵水跌忽成窪急起復
相射幻師作幻技信手妙搏埴持以恐詩魂且洗見聞窄

毛髮森欲寒扣舷三歎息

歎息尙未終入眼益奇變洶洶清浪灘灘闊勢轉悍水急
風旋生廿里激雷徧寸步須千篙十夫助一緯浪花併怒
飛直前搏人面側聞馬伏波於此下蠻甸至今古祠留時
有行客薦將軍西川豪氣冠雲臺彥中典故馳驅垂老歷
轉戰如何惹苒讒千古共悲歎英靈儻未徂乘此洩憤懣
我亦從軍人嗚呼淚如霰

驛旁梅花

蠻村臘尾東風早雪後溪山未枯槁石橋西畔見寒梅數
樹扶疏向蒼昊嵐深已覺暗香滋石瘦還憐春萼小細雨
如珠有淚垂溼雲似夢無人曉未逢晴旭趁黃蜂半帶朝
霏唳翠鳥先生京國打包來直泝湘沅擷芳草舉頭蒼翠

亂楠櫛放腳青黃蔓蘿鳶邈近何緣對倏人忽指病眼開
幽抱吳趨春信想銅坑斗轉參橫水雲渺畫舫籃輿日日
停香林酒舍重重繞都城九九尙銷寒唐花壓擔橫枝鳥
粉葯參差照碧盜銀鐙迴合傾清醪兩地淒涼正憶君移
根豈意來蠻獠仙衣零落枳籬間丰格依然出塵表肯依
池館鬪穠花自向溪泉甘窈窕橫遂誰知怨寂寥簪巾我
亦慚衰老停輿欲去更咨嗟漫興新詩慰悽悄

經高黎貢山

蒙氏時封是山爲南嶽上有磨盤嶺卽李定國抗王師處嶺之上名五十三參

最高者爲分水嶺南流入龍江北流入潞江明王驥討麓川侯璉由大侯川與大軍會皆取道於此
疾雷隱嶙南山陞猛雨曉霽收層霏舍輿振策不憚疲欲
與僮僕同艱危舉頭巒影高屣屣如蛇之路山腰敲旁伏
猩狒兼貓狸夔魍來往行人稀邇者吏卒初修治稍闢榛

莽刪菑翳天梯石棧通賊陝三尺一級侔累某駿馬行此
旋倭遲十步五步鳴酸嘶萬千老樹擁幢麾腔枵腹裂攢
秋蒞倒者卧地僵尻脰其根絡石縈縷絲蜜香花發香葳
蕤貼雪一捻紅胭脂下叢密竹笙篳篥甘蕉葉大楸欄肥
蒼藤翠葛纏柯枝十里不見行天曦但聞颯沓吹寒颼蠻
雲潑墨春淋漓猿公什伯相邀嬉嘯羣連臂聲嘍咿呼煙
山鷓兼子規雜以怪鳥噫吁嘻酸蟹如雨喧迴礪聽此忽
覺哀纏脾雪山天際橫長眉爛漫眾皺兒童隨焚人三兩
同蒙俱杉皮作屋圍槿籬茲山蒙段昔所私封比吳岳金
天儀升柴瘞玉求蕃釐靈祀蕪沒迷荒基束鹿尙書熊虎
姿澤州於此借驅馳磨盤之嶺千雲達曾聞蟻賊塵雄師
至今殺氣橫殺鑄層嶺流水分兩歧南龍北潞殊派支五

十三參孰諷咨艱難詰曲頗似之南詢我已窮坤維德雲
慈氏眞導師河山久識皆心爲大荒南經奚以悲獨惜此
區劃怒夷蒲蠻蒲卡自古遺坐致瑋麗無人知九州之外
良幽奇愧無巨筆磨天麾盤旋漸下龍江湄又見雪浪翻
蛟螭

疊水河瀑布

玉龍奮迅空山裂箭激長洪走凹凸終古恆疑香海翻懸
空直恐銀河竭不雨頻馳晴日雷未寒先灑炎天雪建飯
卻藉墜形高鼓橐無虞元氣泄鯁鰐崩崖豁百尋沖瀾急
瀑迴三疊大盈江派此其源下注檳榔快劍映我居夷裔
正蕭寥欲出闐闐溯奇譎斜抱城根帶玦環初濺石齒鳴
簫篴從風蕩漾散雲煙緣嶂奔騰挂虹蜺儻逢畫手有吳

生持較嘉陵豈見劣危亭小立聽喧厯獨剝落衣讀殘碣
餘姚太守眞好事手闢榛蕪斫槎蘖豐城老將亦名流亭建
於知府嚴時秦參將鄧子龍復增拓之嚴餘姚人鄧豐城人更飾香茆敞櫺棗坐使深
湍榜屋行響入櫻楠尙蕭屑十年流水不聞聲安得跌跏
證禪悅深欄懸知蘊怪靈蠻區應爲湔歎熱濃陰如更沛
長霖走馬重來看奔決

過昭陽湖

長隄老柳作花飛人在湖船試袷衣夜雨平添三尺水釣
師正喜鰕魚肥

湖山重疊淡於煙斜掩篷窗自在眠風外誰驚清夢斷數
聲漁唱夕陽天

賣絲蘆葉綠茸茸蟹簾鵝闌幾曲通未到故鄉先一笑分

明清景似吳淞

就莊爲座主陳文勤公別業感賦

憑欄徒倚日將斜
蝨壁苔扉百感賒
疎柳千行空蘸水
殘

梅數樹偶餘花
湖山一路詩人境
竹樹三朝宰相家
文簡公亦

居此搔首長安車
廢地輒紅何處問
隄沙
子成進士謁文勤公于裘家街邸第

今已易數主矣

潼關

鶉首星芒照九垓
規模百二自秦開
關山蒼莽爭天險
文

武飛騰出將才
日暝旌旗橫戍邏
雲連城堞抱烽臺
登高

立馬休憑弔看取
三峯翠色來

建昭雁足鐙

雁足鐙一形模奇
槃徑三寸高倍之
厥底暨側鑄文辭
曰

漢建昭三年遺省中考工工輔爲右丞宮令職所治齋夫
讓建咸其司博福光相名次垂迄陽朔歲星十葺陽平繼
封菁土貽後廚祕置嚴屏幃長安好時同遺規三斤八兩
區毫釐勒字母乃鏡金錐年深世遠罕缺虧蠟茶之色兼
瓜皮名類食器實則違大羹非可調芳滋想當禁築罍更
遲宦官謁者相提攜然以朱火沃以脂金釭銜璧明彤闈
酣歌恆舞千蛾眉擁髻詎照長門悲渭陵多藝幾文思洞
簫琴瑟工娛嬉掖庭待詔歸荒陲新室文母本翠嬀絳絳
諸子意稍怡丙殿甲觀森逶迤畫堂幸毓天人交外家恩
澤數不貲十侯五將雄衆支將軍司馬尤崔巍當時賜出
羣得貽黃霧四塞遮炎曦豈願羣菲駟乾維稽古治氏精
鑪錘攻金尙象神工徑取諸鳥獸靡弗宜殿名鳳皇繪參

差觀號鳩鵲圖屢屢虎圈鹿館兼龍池飛廉屬玉繁罔恩
茲仿陽鳥凌秋颺乃寫一足如靈夔雪爪宛作鱗之而蹠
屬相著愁翻飛獨渺翳雜增光輝當年雕刻誠何其射鴻
臺爐蕪餘基或留蹤迹存依稀或因屬國老牧羝端藉帛
書馨蠻夷抑時水患方渺瀰取象中澤多瘡痍昔賢寓意
深然疑上林榮宮恐已曠首山蒲阪渺莫追甘泉林華見
亦希今幸獲此珍珣琪往客紅橋歲指寅玲瓏仙館花翻
赫賓從動色來掄擬定窰一盃熒熒暉樊榭傑句人交推
痛飲竟倒千留犁廿年如夢欣重持生平嗜古懷軒羲王
子飢鼎蒿奴蕭伯萋額盤季姬匝木父已卣單從彝饗養
耗蠶蟬救卮法物淪落艱尋窺西京古製良足私書法矧
復參高斯六十一字陳珠璣似篆似隸盤蛟螭斑斑古質

無邪敬李菊丁緩何能幾望古遙集生嗟咨九篇墨瀟爭
淋漓振三星巖少山晉齋誦芬贊繼聲援筆成此詞一物
差可規興衰鼉聲紫色火德移甯憶朱雁登歌時

觀魏大饗受禪二碑

龜貅十萬揚旌旄老狐乳鬻爭咆哮諸袁已盡奉先滅赤
伏潛易當塗高烏林一炬久逃竄孝廉聲勢臨江皋許昌
距吳數百里江淮汝漢縈南條阿瞞築宮具深意削柿便
擬凌風濤三臺歌舞尙未竟九首鬼伯潛相邀子桓繼起
更狡鷲竟能禪讓依唐堯分香賣履言未冷鼉聲紫色心
尤驕相國將軍官四十劔佩踰濟從誼嘷乃陳降祥珍瑞
集再記歡塞蒔韓朝芳當廢薄枕出日袞冕黼黻山龍昭
闔場下步壇九尺拜奠璽冊陳南郊無君無父意自得大

書深刻垂瓊瑤仲謀奉表亦豚犬龜象作貢供臣寮公闔
刺刀入南關黃初四世如風颺蜀吳尙在魏垂滅唯餘碑
碣猶岿甍吾見此文亦已久竭來親讀披蓬蒿三十二行
行款正加以隸體無殘凋鍾繇樂鵠字莫辯華歆賈詡名
難消比於構杌可垂戒何待後世相訾警廢宮久作山陽
廟靈旗石馬還蕭騷

大文殊寺

五嶽泰華衡恆嵩出雲降雨參神功此外靈區表絕勝菩
提娑樹伴天宮普陀獨鎮巨澗中峩眉雞足西南雄妙吉
祥居道場啟若非天眼焉能窮縈青繚白千萬疊須彌鷲
嶺遙相通風沙萬里截紫塞冰雪三伏浮蒼穹十方三界
來聽法龍王鬼伯相隨從煙霄朝現應真像刀仗夜伏修

羅凶鯨鐘鼉鼓互震吼獅林鹿苑殷虛空宰堵波高颺鈴
鐸睽羅那廠開荒叢望海峯巒更奇偉歸墟赴壑連鴻濛
洄沙淨眾得未有梵唄響答千巖松憶自摩騰入中夏曇
鸞靈辨追前蹤長者雨花撰合論導師海墨分禪宗彌天
竝盡未來際一切攝授歸圓融生平夢遊安得至何幸萬
騎隨飛龍登山入寺首瞻仰已覺壯麗非人工猶獅狂象
悉調御華嚴樓閣森重重嚴寒漸退春意足慈雲慧日交
瞳矐南臺中臺次第到水田萬指咸趨風黃衣紅帽亦密
教大寶所授薰修同山鐙夜炬聞可見願乞加被昭顯蒙
蔣紹初招集拙政園次趙雲松韻

澹雲微雨菴樓臺三逕琴樽傍水開花木百年猶似舊江

湖二鳥恰同來

時雲松從
蘭陵至

討春尙有香車集授簡欣看玉

樹才謂于野弟兄

更喜嘉禾詩畫客北窗跛腳共徘徊

嘉興吳竹虛履

能詩畫亦寓是園

早春

朔風初定雪初晴遙見春暉上檻明三尺遊魚冰下見一行歸雁柳梢橫香爐茶鉢隨宜置茸帽筇枝稱意行已是上元燈節過市樓猶聽夜吹笙

聞稚存譴伊犁

胸中五嶽本難消醉後狂言荷聖朝東坡句對簿已蒙寬一死投荒何恨竄三苗老泉諫術終須讀湘浦羈魂不待招取次金雞竿下信陽關風雪返征軺

錢大昕字曉徵一字辛楣號竹汀嘉定人乾隆甲戌進士改庶吉士授編修歷官少詹事有潛研堂集

洪稚存日鏡少詹詩如

漢儒傳經酷守師法

詩話竹汀詩溯源漢魏出入唐宋春容淵雅蔚爲大宗晚年優游林下得意成詠性情之蕭曠議論之確

覈較少壯時又過之論者謂其詩格在白太傅劉賓客之間

讀曲歌

紅豆向春種黃蘗向春生薄霧隱三星有心不分明

朝憶復暮憶憐歡還念歡夜雨沒牛跡蹠痕無日乾

宜興道中

連村薑蔗足安居罨畫谿光畫不如兩岸綠陰微雨後半
簾花韻試茶初遙山疊髻晴鋪絮隔浦鳴榔夜打魚陽羨
買田曾有約沈吟此地十年餘

九日同潘璜谿凌叔子張策時王蘭成作

木落雁南下天涯各滯淫百年多病客九日故鄉心風度

高樓笛寒生別浦
碁西山爽氣在無計一登臨

正月二日夜雪用東坡聚星堂韻

茶爐半槍始展葉
夜窗手點浮綠雪
開門密霰已滿庭
狂呼失喜冠纓絕
軒轅忍寒肩輒聳
柴桑習懶腰愁折
松枝插戶壓漸低
鐙影搖空暗欲滅
生涯碌碌風輪轉
歲月堂堂電光掣
頻浮薊北柏子樽
苦憶江南梅花纈
停雲遠道空滯留
歸夢殘更付騷屑
詰朝初旭雪半消
似有仍無只一瞥
空中色相定何著
文殊師利猶多說
便須參訪不二

門顧我舌根鈍于鐵

時有扈從五臺之命

石湖

激灑紅亭射曉霞
波光百頃渺無涯
居民種芰分湖面
小艇叉魚踏浪花
遠浦風煙通震澤
上方鐘磬出楞伽
田園

襍事皆詩料曾是當年參政家

姚少師祠

灑灑泉流檻外分披緇入定戒香熏空登北郭詩人社難
上西山老佛墳好殺共知和尙誤著書賴有故交焚依然
病虎形容在曾否聲名直半文

少師自贊畫像云這箇禿
廝忒無仁聞名垂千古不

直半
文

得李南澗書知于廣州相待卻寄

不見李先生今五年南行萬里一欣然新詩想得江山助名
士仍兼政事傳憶舊多通烹鯉字養廉半付刻書錢藥洲
計日同吟嘯窺鏡慚予異髮宣

石梁

突兀虛空兩翠屏長虹接引入青冥一條銀漢杯中瀉九

明非齋詩圖卷之十二
奏鈞天檻外聽珠落玉盤皆照乘龍歸金洞挾奔霆應眞
飛錫重來到不見曇花舊日亭

題王秋旌明府龍門攬古圖卷

緱氏有僊令家世出子喬詩名鮑謝伍政績邱何高山水
耽奇癖金石敦素交嵩嶽兩室峙伊闕百仞標北顧採王
屋西行第二嶠昔賢登覽地往往回鞭梢龍門況不遠紫
翠如相招嗜古黃叔度小松千里來游翺廿載車笠舊合并
倏今朝折簡迂儒衡武虛谷聯騎崇山椒秋高石骨露葉脫
風刁刁深洞穿地肺孤亭聳巖腰奇絕丈八像鑄鑿齊隋
朝字體襍隸楷筆蹤辨分豪歐趙所未錄一一歸甌包石
丈儻解語邂逅慶所遭茲圖洵可傳潑墨裴生綃郵筒忽
遣寄快若背癢搔安得生六翮相隨陟崑崙

歸安道中

小艇低于屋乘風任簸軒波平知雨足日出覺春暄兌酒
三家店柔桑十畝園一峯青似繖無佛欲稱尊

和唐陶山明府修復唐伯虎墓

淵明神游桃花源六如身住桃花塢不是人間第一流難
與桃花論賓主對花須把酒對酒宜賦詩詩畫遊戲耳工
拙我不知大兒漢曼倩小兒唐青蓮尸解非所好怕作憐
懂僊前身桃花見花喜故應埋骨桃花裏三春紅雨落紛
紛唯有此桃花不死前中丞宋公後明府封植區區三尺
土異代堪聯僑札交當時恥與絳灌伍明府來自桃花源
華胄遙遙本同祖出處雖殊與趣同唱和壘簾吾與汝歌
新詩酌清醕僊不能言花應語

王又曾字受銘號穀原秀水人乾隆甲戌進士官刑部

主事有丁辛老屋集

畢秋帆曰君才本大而約之以歸於切實氣最盛而
 斂之以底于和平削膚廓而見性情壯墮腐而存警
 策于漢魏六朝及唐宋諸家外能融會變化自成材
 家而世之貌為李杜韓蘇者卒莫能及焉至于取材
 于眾所不經見用意于前人所未及發此又君之所
 獨到而亦吾鄙所共推者也王蘭泉曰穀原在都
 下極為陳文勤汪文端稱許為比後觀政禮部又得
 上儀曹稱之至補刑部主事以律例非素習且病遂
 乞假歸性善飲談笑風生神情蕭灑賦詩鬪酒凡十
 餘年而卒休甯曹農部自鑿選刻其詩子復再刻之
 皆不及十之四五其全集六百餘番子曾點定今尚
 存其

詩話穀原與錢捧石侍郎同里稱詩博大沈靜各成
 家數嘗語侍郎子百泉編修曰我詩適興而已詩家
 精深華妙森嚴密栗之境未能到也然天真爛漫隨
 手拈得顧唐中見風致古刻即出待郎選定觀其詩境
 如此今集為其子復所刻即無愧古人若顏唐中
 所謂精深華妙森嚴密栗實已無愧古人若顏唐中

見風致不過其一體未可執此謂盡其妙也悟門詩
話舉其佳句云畫橋脫板低新漲酒旆懸風戀舊題
啼徧鷓鴣煙翠合唱來欸乃月波昏橋外飴簫寒食
路柳邊蠶殼酒船窗皆爲時傳誦今多不見集中足
知侍郎持
擇之嚴矣

重入剡感作

仲春風漸柔吹縞半篙綠窈窕剡口嵐新翠點腰腹林樾
互蔽虧碕岸屢迴復飽拽數幅颯婀娜擺風竹塔明雉堞
圍灘迴鷺濤蹙墟煙升爲雲晶晶蕩晴麓首延足所經目
翫心向熟昔權無今留舊夢有新續青山已幾霜我面何
由玉蕭散緬鼓琴惆悵戴公屋

度盤山嶺望雁宕諸峯雨止大荆旅店

此邦南戒盡山勢驅入海岫強屹元氣雕剗出眞宰鳥下
嶺刺天接眼益嶮巖郭郭所包絡望若披重鎧攢攢百青

蓮朵朵吐蓓蕾春空媚雲物醞藉固有在應知太古前猶
未混沌改卒見無急驚山靈詎相給詰朝果此游須鼓腳
力倍姑去夢煙村稍伺雨聲息

微雨入雁山觀老僧巖憩石梁洞

洩雲蒙晨巖瓦溜止猶滴勇拖綠玉枝逸與精靈覲林轉
藏小天谷幽露很壁萬葉競春萌帶雨綠淅淅闐然老蕊
芻山骨幾時剔高蘿緝袈裟黝碧光鼎甬危梯聳高簷陰
洞發深窳巨石勢碧分倚穹仰可惕厂屋中堂隍牢構底
同甕坐挹新乳花坼裏自煎喫模糊山下村溼煙空羃歷
踰謝公嶺折入東內谷登羅漢洞下飯於靈峯寺

靈峯銳而富我聞昔人云峯峯會於寺寺以靈峯聞踰嶺
裁半里眼耳青煙熅盪漱石上淥捧嘯石上雲磴棧力千

級飛泉寒紛紛雙掌外無縫旋踏掌上紋道人昔高唱陰
壁靈靈文空山誰狡獪刻劃雙錦帟窈窕入琳宇春蔬嚼
奇芬佛面有衰旺壞瓦黏斜曛空亭合要眇意愜情彌欣
孤鳳雙兩翩翛然振雞羣芝花嫩可掇雙筭當我分長嘯
發天籟招手雲中君

曉度馬鞍嶺曲折行澗道中從剪刀峯下入觀大龍
湫還憩龍湫菴

一啜道場羹鏘佩披鶴筆穿徑雲共飛躋險鳥同上東西
並谷幽高下一泉響泉響方愈寂谷幽漸生朗溼煙信黏
屨穹翠歛盈掌微聆鸞鳳肅遠窺壺嶠廣折入最深處高
挂五百丈近遠無定姿變幻非一象直下坡注馬散迸谿
翻樂勻圓鮫人珠熨帖織女紡蟬聯儼垂旒雀躍恍過顛

斜滾等拋毬橫鋪類撒網或爲風所遏欲俯旋還仰或爲石所觸始直中迺枉或疾若雷轟或細若鳥吭絲瑯洞庭張鼓鐘太廟饗頭寒不敢逼目暈難屢仿兌說萬派歸坎習一潭養虧盈河漢準消息混沌想廬山亮斯遜天台詎能兩凌流餌碧花跂石攬宿莽任運獲貞觀洗心韞靈賞聊茲李白游未可詎那往愴彼留衣人置身猶土壤

遊寶光寺城南最幽勝處也

岡路威遲萬竹深斜陽還信蹇驢尋消磨老雪憑山氣護惜眞芳見佛心金磬不敲花不語蒲團孤坐烏孤吟果林貝葉俱塵劫借汝茶盃洗客襟

五日獨遊道場山卻簡穀函

曉榜夾山澆蒲岸深吠蛤未傳林際磬早涌船頭塔螺髻

翳輕紗雲日遞吐納泥巷耕犂卧秧扉蠶婦闔升麓苔磴
紆到寺風泉雜山門盡勝概曷用眾峯踏苦茗僧自供清
言竹爲答榴朵豔道場蕭然悅塵榻意行愜靜便惜不吾
友拉惟吟坡老詩罄我三升榼

中秋夜半乘醉登華蓋山弄月作歌戲效李五峯

太玉仙人騎白鹿手扶天風上雲麓青瑠璃界白玉盤貼
在天心十分足九點蒼煙溼不收一盃海水清堪掬醉措
雙眼視乾坤冷伴姮娥寫幽獨桂華泣露黃叢叢香濃夢
遙秋滿空踏翻片雲躡天路瞬息徑到蓬萊宮蓬萊宮滄
海東上有芝田年屢豐仙家耕作鞭蒼龍食之不死顏常
童曷爲復歸塵網中三生石上含眞子涼影瀟瀟清在水
一片江山入夢深誰來共喻無言旨鞭鸞咎鳳不可求雞

栖鶴籠愁復愁山高月明聊以祛繁憂搗霜元兔何時輟
橫笛蒼涼怨玉蚪

題查梧岡京口渡江圖

通潞河頭船未發歸夢先落江之東采莼斫鱸百不省惟
念起居堂上翁長安秋老逼重九青女豔發籬邊叢兩涯
水落木葉脫張帆對飲秋瓊瓏京江去家十舍近寸心直
寄冥冥鴻行纏布襪且姑去肯戀十丈東華紅丈夫立身
有本末不在出處分窮通掇拾科第點郎署盛年得此亦
已豐銜恩詎無駑馬戀反哺要是童烏工喜聞耄老逾八
十健強我汝家翁同由來家世出忠孝豈有宦達方英雄
捧檄依然毛義屈著書奚礙虞卿窮君家舊業東海曲流
匙香稻烹園菘官衣恰作萊子服孺慕未輸江夏童仙舟

幸得附李郭急裝請假情愬愬一官轉令雞黍缺四載始
果南歸篷大癡落墨迴天際佳詩寵餞叨羣公金焦瞥眼
請休矣目極霜後南湖楓長江之水空復空津吏打鼓聲
嚦嚦翦江一笑趨庭亟與子破浪乘長風

馬嶰谷半查兄弟招同程風沂午橋閔玉井陳竹町
金櫻亭集行菴同題東坡海外石刻像用集中贈
寫真何充秀才韻

春夢無痕墮露電精誠裂石同強箭謫來東海殊蕭然冷
若飢鶴投空山邦人刻像紀公德緬想風流元祐間飽飯
和詩妙齊物雪泥指爪何形迹秀才寫貌太清寒此老胸
中仍大適蒼茫獨立冰雪容歸心片月峨眉中瓣香徑下
涪翁拜笠屐無煩更畫公

琴鶴樓

壬戌夏偶圃之官高安邀家仲兄暨余偕往冰壑追餞於西湖是日重五同醉茲樓觀競

渡丙子五月重游豫章來經湖上花柳依然而三人者化爲異物久矣裴裏墟畔愴然隕涕賦此以志

湖上青山太不情
年年冷笑行人行
寺門老柳爭舒眼看
盡別離
渾不管琴鶴樓何不移
去荒谿之側窮巖幽
我不復見何怨尤
乃當湖山花木最佳處
葡萄深盃釀紅油
一時朋友自膠漆
萬古弟兄曾勸酬
黃墟黃墟非少壯
不須鄰笛增悽愴
成佛生天本是虛
求官作達眞成妄
西泠依舊好風煙
回首經今十五年
吟魂醉魄難呼取
獨立西江三板船

酬別薄石

夜雨催征鷁
梅花別故城
江山徒老大
衣食豈聲名
碧海

雙萍闊青天一雁橫
愁心懸去住之子獨深情
樂歲辭家數春風上路偏
暫時還酒盞明日卽瀛壖
甘旨情難愜江湖迹舊懸
男兒甯戀別俯仰感中年

朱鏡堂招同諸君泛飲秦淮

燕拂簾前柳人移鏡裏天
水痕高到檻雨氣散如煙
衫扇清殘暑笙歌貯別船
雙鬢誰氏女一曲想夫憐

舫公舊隱題壁

說法滿天下出然公獨吟
水流無住相灰死得寒心
窗外老梅瘦門前黃葉深
千秋詩兩卷政不要知音

蕪湖

白雁黃雲落照橫
江山無恙慰經行
潮頭暗齧王敦墓
嵐氣晴飛謝尚城
畫鷁宮袍虛古月
寶鞭駿馬只殘營
酒酣

印山集卷之十三
不盡興亡感忍聽當年詠史聲

將歸嘉禾留別寶意

英瓊繡段疊還重一月中江忽舊蹤霜露空山須暫去雲
龍萬里會相從論心合似乳投水鍊句精于金在鎔誰識
燉煌杜法順華嚴字字暢禪宗

酬桐石

寒影蕭然簇一鐙兩峯應怪客來仍稍緣病退秋情健不
爲涼多酒力勝小技文章那制命中年鬚鬢欲皈僧與君
且話通宵雨如此湖山捨未能

長至日度桃花隘

半擔輕裝路百盤壓裘雲氣括蒼寒洞桃牽夢曾無影宮
綫添愁漸有端東郭雪霜雙屨健康成湖海一萍寬差羸

劍閣經行慣未欠天西蜀道難

經天姥寺

天姥峯陰天姥寺竹房澗戶窈然通老僧敲磬雨聲外危
坐誦經雲氣中禪榻茶煙成夙世天雞海日又春風回頭
卻意十年夢夢與山東李白同

漢上逢諸親舊累邀泥飲

明鐙高館拍聲催大阮招邀小陸陪難得異鄉逢密戚可
能良夜不深盃江連清漢分還合人過中年樂亦哀珍重
天涯老兄弟淮南米賤好歸來

雨中集竹所賦春陰得煙字

雨絲漠漠散如煙竹外軒窗綠可憐花盡簾垂看燕乳桑
濃村暗想蠶眠閒居鎮自消香篆近局猶能判酒錢莫道

春隨人老去春歸還復有明年

題元遺山詩集後

庾信頭顱雪滿圍傷時傷事足獻欵干戈掃蕩留才子禾黍叢殘窟布衣鐙地歌闌塵劫換天荒地老夢華非可憐
醉殺長安酒不抵思鄉一涕揮

蕭蕭走馬傍長楸一代聲華剩楚囚野史盡煩供樂府劫灰飛不到中州亂來花草銅駝淚夢裏家山渭水流血漬模糊難卒讀打窗寒雨颯窮秋

臨平道中看白荷花同朱冰壑陳漁所

船窗六扇拓銀紗倚槳風前正落霞依約前灘涼月曬但聞花氣不看花

臬亭來往省年時香飲連筒醉不辭莫怪花容渾似雪看

花人亦鬢成絲

秦淮絕句

紈扇桃花細字明
黑頭江令見須驚
瓊枝玉樹根長在
觸著東風會卻生

江行雜詩

江上丈人空復期
蘆花如雪覆蘆漪
江波流盡千年事
明月白鷗都不知

翟灝字大川號晴江仁和人乾隆甲戌進士官金華教授有無不宜齋稟

杭大宗曰大川僻居東郭與處士吳西林結讀書之社詩才清麗爲吾鄉後來英俊領袖吳退庵日翟氏一門以詩書鳴晴江所居榜曰書巢所著四書考異爾雅補郭湖山便覽艮維雜志通俗編其緒餘也少年結東臬吟社唾地千言願徵引攜拾不免細碎之病取尤爲清澗者

東郊晚行

秋客愛夕佳信步越畦畛荒逕少人踪
屈曲辨修蚓微風來前林楸葉紛以隕
高天氣象嚴雲色釀寒緊眠情適沙鷗
過影疾霜隼度險橋階危穿幽竹蹊盡
閒勞亦何爲遠被風物引

橫空縱我眼列岫展天末青蒼一幅披
秀色不可割中有度世人光景坐超忽
還欲招之遊山心話飢渴白雲來悠然
高鴻向空沒

好景不肯常况茲桑榆促村廚爆溼薪
煙帛起純束一暝萬形齊何由著閒矚
巢禽戢動羽途人斷歸躅清豪振涼菴
健語共相勸郊路熟可循林黑誤已數
賴有流螢飛高下閃古綠荒涼興未摧
寂靜意偏屬心鏡終澄明行吟多

所觸

銀輪轉無聲突自林端推杳來清影眾我影亦同來萬象
復我有眼爲今日開落落秋勢迴納納天宇恢溪光曳遙
帛岫色堆寒灰詩肩聳千尺與月相徘徊

寒淺未成霜濃瀼瀼露如瀉芒鞋草間行沾漉及兩踝到家
近猶疑喬木認里舍鄰機悄已停吠犬鷄籬罅茅叢何處
光破壁一鐙射婦功懷土風寸晷惜無暇向來安眠中妙
景虛夜夜

開山廟

陂陀滑無轍亂礫堆隆窳僕夫整綬睨未厯先愁嗟掀轟
做棧軫犖确盤蛻蛇向回路轉隘巉石如排衙一綫五丁
力皴紋被稠麻催鞭度磕匝挂轄夏來車

嵩山

北山例鉗髡茲谷極蔥蒨瘦幹突雲房交根絡石面陡空
立怪峯鑿壁開飛殿古像兀虛光危階直懸綫當門虎豹
雄靈狀咄百變凌競阻復前望望不知倦

吳江

垂虹亭畔月暫照木蘭船秋老蓴鱸國霜寒橘柚天鷺飛
煙路闊人靜水花鮮緬想三高士披吟笠澤編

篔簹橋途中作

淺笠輕衫得自由近郊閒趁晚晴遊翠陰夾路忽成巷涼
氣襲衣先報秋園朵欲攀搖未定井華待汲去仍留煙村
曖曖遙相引幾處柴扉傍竹幽

題阮生畫蘆雁

載雪低叢一丈深
圓沙拍拍赴幽尋
水鄉風物江南景
縱極蒼涼也繫心

晚晴移詩匯卷八十三終